

四庫全書

子部

欽定四庫全書

御定淵鑑類函卷一百二十

封爵部三

德行封
恩澤封

增聖賢裔封附
外戚封
追封

尊賢繼絕封

增子孫貴封附

德行封一

原白虎通曰王者即位先封賢者憂人之急也 又曰
盛德之士封之所以尊有德也 增天中記韋昭辨釋
名公貢也才德兼人貢薦於王而用之也辨曰公直也

取正直無私也孟子正義曰爵位盛大以無私為德者公也又曰斥侯於外以君人為德者侯也風俗通曰伯者長也白也言其咸建五長功實明白也孟子正義曰子字也字養也其德足以養人者故曰子也又曰男任也任安也其德足以安人者故曰男也

德行封二

增聖賢裔封附

原書大傳武王勝殷箕子之朝鮮因以封之 石慶積
行封為牧邱侯 增山堂考索曰張騫封博望侯取其

廣博瞻望霍光為博陸侯取其博大陸平 原漢孔光

傳云光父霸治尚書選授太子經遷詹事高密相是時
諸侯王相在郡守上元帝即位徵霸以師賜爵關內侯
號褒成君 漢張禹傳云禹善說論語初元中詔令授

太子由是遷光祿大夫元帝崩成帝即位以師賜爵關
內侯 東觀漢記光武紀云建武元年詔曰前密令卓
茂束身自修執節淳固誠能為人所不能為夫名冠天
下當受天下重賞今以茂為太傅封褒德侯案東觀記

續漢書皆作宣德侯 增聖賢裔封玉海曰平帝元始

元年封周公後公孫相如為褒魯侯

後更為姬氏

孔子後孔

均為褒成侯

秩二千戶

奉其祀

文獻通考曰漢章帝元和

二年東巡狩過魯祠闕里以太牢祠孔子及七十二人

作六代之樂大會孔氏男子二十以上者六十三人帝

謂僖曰今日之會於卿宗有光榮乎對曰臣聞明王聖

主莫不尊師貴道今陛下親屈萬乘辱臨敝里此乃崇

禮先師增輝聖德至於光榮非所敢承帝歎曰非聖者

子孫焉有斯言乎遂拜僖郎中 玉海曰魏文帝黃初

二年以議郎孔羨為宗聖侯 又曰晉武帝泰始三年

改宗聖侯孔震為奉聖亭侯 又曰後魏封孔乘為崇

聖大夫孝文太和十九年封珍為崇聖侯 又曰北齊

改封恭聖侯 又曰後周武帝改鄒國公 又曰隋煬

帝改紹聖侯 續文獻通考曰顏欽明詩禮易尚書多

所通說學者宗之爵葛繹縣子謚曰貞師古太宗即位

拜中書侍郎琅瑯男奉詔校定經史修五禮成進爵子

玉海曰唐貞觀十一年封孔子裔德倫為褒聖侯開

元二十七年以其嗣為文宣公任州長史代代勿絕

續文獻通考曰孔子四十代孫振唐懿宗咸通四年狀

元及第仕至刑部員外郎襲封文宣公 冊府元龜曰

後唐莊宗同光二年詔曰皇帝御宇禮三恪而為賓烈

士敦風賴五帝而濟世當宜崇封後裔欽奉前修應前

代二王三恪及文宣王之後並可各令繼絕 玉海曰

太平興國三年以孔宜襲封文宣公 續文獻通考曰

仁宗景祐四年孔道輔守兗州訪孟子後得寧薦於朝
授鄒縣主簿 又曰孔子四十八代孫端友字子交宋
崇寧三年襲封衍聖公端友于建炎初偕叔父孔傳姪
孔玠扈從高宗南渡寓三衢 又曰理宗淳祐元年追
封先儒周敦頤汝南伯程顥河南伯程頤伊川伯張載
郟伯寶慶元年追封朱熹信國公改徽國公 又曰明
正德間山東僉事錢宏訪得曾子之後一人於嘉祥深
山中未請於朝後竟湮沒嘉靖十二年吏部侍郎顧鼎

臣奏准訪求曾氏嫡派得嵩兗兄弟以生長南方不樂北徙唯質粹肯行授翰林院五經博士世襲

德行封三

增聖賢裔封附

原道以經術

示我德行

漢書蕭望之傳云制詔御史

將軍望之傳朕八年道以經術厥功茂焉其賜望之爵

關內侯食邑六百戶

東觀漢記桓榮傳云明帝詔曰

五更沛國桓榮以尚書授朕十有餘年示我德行爵關內侯食邑五百戶

增謹重

忠烈

漢書曰宣帝以劉德謹重封為陽城侯資治通鑑曰開元二十十年上思右驍衛將軍安金藏忠烈賜爵代國

公

選建

特封

山堂考索曰先王之封建選建明德茂啟崇勲彙苑詳註曰宋制王子

之為王者封爵僅止其身而子孫無問嫡庶不過承蔭
入仕為環衛官必須歷任年深方特封以王爵而其祖
父所授之爵則不襲也

必享其樂

特為立名

漢書曰邴吉有陰德於孝宣帝

微時帝聞將封之會吉病將使人加紳而封之夏侯勝
曰此未死也臣聞有陰德者必享其樂以及子孫後愈
封為博陽侯景苑詳注曰隋樊子蓋進爵封
為濟公言其功濟天下特為立名無此郡國

聖賢

裔封梅福復言

祭遵建議

玉海曰梅福傳元帝時求聖裔絕不能紀匡衡議宜

以孔子世為湯後上以其語不經遂寢成帝時梅福復
言綏和元年立二王後推迹古文以左氏穀梁世本禮
記相明遂封孔子世為殷紹嘉公又曰祭
遵傳遵建議為孔子立後奏置五經大夫

別定美

號不領他職

又曰宋仁宗二年太常博士祖無擇言
謹案前史唐開元二十七年始追謚文

宣王以其後為文宣公不可以祖謚而加後嗣也請詔
有司別定美號於是詔封為衍聖公令世襲又曰哲

宗元年改為奉聖公除寄祿官主祠事不領他
職增賜田百頃賜書從鴻臚卿孔宗翰之言也衣賜

一品帶去二胯續文獻通考曰孔子第五十七代孫
訥字元伯洪武十七年襲封衍聖公

時革丞相每入朝令列文臣首賜一品金織衣又曰
第六十一代孫宏緒字以敬景泰六年八歲襲封衍聖

公賜鶴袍玉帶如例以其軀銀章玉帶又曰元順
帝至元六

小去二胯俾藏之以為榮
年授孔子五十五代孫克堅嘉議大夫襲封衍
聖公八年制易以銀章下詳帶去二胯注鶴袍

麟服上詳帶去二胯注續文獻通考曰孔子第六
十二代孫聞紹字知德以弘治十六年封衍聖

公賜麒麟服白
玉帶黃金盆

德行封四

增聖賢裔封附

增制唐蘓頲授安金藏右驍衛將軍制曰安金藏家本
孝悌身全忠懇往在周朝困於酷吏共誣良善敢謗太
皇不任楚毒並加刑憲金藏乃自刺心肺見其誠節因
而寤主實賴斯人則宏演納肝田光吞舌求之既往未
足為喻眷言酬德自可超倫彰其貞固之美拜以誰何
之任

增聖賢裔封詔魏文帝黃初二年詔曰昔仲尼資大聖

之才懷帝王之器當衰周之末無受命之運乃退考五
代禮修素王之事因魯史而制春秋就太師而正雅頌
俾千載之後莫不宗其文以述作仰其聖以成謀誠可
謂命世之大聖億載之師表者也遭天下大亂百祀墮
壞舊居之廟毀而不修褒成之後絕而莫繼闕里不聞
講頌之聲四時不覩烝嘗之位斯豈所謂崇德報功百
世必祀者哉其以議郎孔羨為宗聖侯 唐元宗開元
二十七年詔曰宏我王化在乎儒術夫子自天攸縱將

聖多能德配乾坤身揭日月年紀寢遠光靈益彰雖代有褒稱而未為崇峻不副於實人其謂何夫子既稱先聖可追謚為文宣王

尊賢繼絕封一

原禮記曰天子存二代之後猶尊賢尊賢不過二代武王克殷未及下車而封黃帝之後於薊封帝堯之後於祝封帝舜之後於陳下車而封夏后氏之後於杞殷之後於宋左傳鄭子產曰昔虞閼父為陶正以服事我

先王先王賴其利器用與其神明之後也庸以元女太

姬配胡公而封諸陳以備三恪

注胡公闕伯子舜後也周得天下封夏殷二王

後又封舜後謂之三恪恪敬也其禮轉降示敬而已故曰三恪

史記曰高帝過趙問

樂毅有後乎得樂叔封之跽鄉號華成君華成君毅之

後也漢書曰自古受命及中興之君必興滅繼絕修

廢舉逸然後天下歸仁四方之政行焉傳稱武王克殷

追存賢聖至乎不及下車世代雖殊其揆一也高祖撥

亂日不暇給然猶修祀六國求聘四皓過魏則寵無忌

之墓適趙則封樂毅之後孝武疇咨前代初得周後復
加爵邑元成之間晚得殷世以備賓位 又曰武帝還
過洛陽詔曰周室邈而無祀得孽子嘉其封為周子南
君 又漢武元狩中復以鄼戶二千四百封蕭何曾孫
慶為鄼侯布告天下令明知朕報以蕭相國德慶厚也
又曰元康四年立斬翕夏侯嬰陳平張良周勃等一
百一十八人後紹爵復家也 又曰高祖功臣侯者子
孫驕逸多陷法禁訖於孝武靡有孑遺於是成帝復紹

蕭何而哀平之世復曹參周勃之後 東觀漢記和帝

詔曰高祖功臣蕭曹為首有傳世不絕之誼曹相國後

容城侯無嗣朕甚愍焉望長陵東門見二臣之墓生既
有節終不遠身誼臣受寵古今所同遣使者以中牢祠
大鴻臚悉求近親宜為嗣者須景風紹封以彰厥功

增文獻通考曰建武二年詔曰唯宗室列侯為王莽所
廢先靈無所依歸朕愍之其並復故國 原晉陽秋曰
夏侯惇魏之元功勲書竹帛昔庭堅不祀猶或悼之况

朕受終於魏而可忘其功臣哉其擇惇近屬封之 晉

中興書曰元帝紹封魏後曹勵為陳留王 又曰太元

二年興滅繼絕復故陳騫後浩之為高平公裴秀後球

為鉅鹿公王沈後朴之為博陵公荀勗後軌為濟北侯

何曾後闡為朗陵侯羊祜後法興為鉅平侯 增玉海

曰永昌元年以周漢後為二王舜禹湯之裔為三恪神

龍元年復舊 冊府元龜曰德宗貞元九年詔九廟配

饗功臣封爵廢絕者宜令紹封以時享祀

尊賢繼絕封二

原尊賢不過二代 封陳以備三恪

並詳第一條

成湯革

夏而封杞 武王入殷而封宋

所以興滅繼絕也並文選

復始

撫厲

公侯之子孫必復其始洩及子良止以撫之曰鬼有所歸乃不為厲吾為

伯有為厲子產立公孫

之歸也洩子孔之子良止伯有之子皆為國所殺立其後以撫之

纂乃前修 食其

舊德 宜遵封宋之文

果協屏周之典

增不渝

最長

冊府元龜天寶八載制曰胡公啟陳微子分宋位存三恪秩比二王後魏孝文帝十代孫元伯明器

蘊中和葉彰前烈謙而不渝信而可復主魏祀者非爾而誰可襲封韓國公 文獻通考曰從式太祖曾孫神

宗熙寧元年詔以太祖肇造區夏令中書門下考太祖之屬籍近行尊者一人裂地王之於是從式最長乃封

安定郡王

擇一人

推五行

冊府元龜天寶七載詔曰周備禮文既存三恪之位漢存

損益唯立二王之後將廣繼絕之恩式宏復古之道宜於後魏子孫中簡擇譜屬灼然相承者一人准鄴公例

定為三恪又九載處士崔昌上封事推五行之運以

國家合承周漢其周隋不合為二王後請發詔下尚書

省集公卿議會集賢院學士衛包抗表陳論議之夜四

星聚於尾宿天意昭然帝心遂定乃求殷周漢後為三

恪廢韓介

永作我賓爰復爾國

冊府元龜唐高祖武德元年詔曰鳴

鄴等公

條剋伐杞用夏郊牧野降休宋承殷祀爰及魏晉禪代相仍山陽賜號於當塗陳留受封於典午上天迴睠授歷朕躬隋氏順時遜其實位敬奉休命敢不對揚永作我賓宜開土宇其以莒之鄴邑奉隋帝為鄴公仍立周

後介公共為二王 又開元二十五年制曰夏典有虞
賓之位周書載微子之封皆所以啟迪前王發揮後嗣
故介國公宇文超男晏倬彼茂緒曰予嘉
客爰復爾國以承天休可襲封介國公
當崇後裔

載稽舊典

冊府元龜後唐莊宗同光二年詔曰皇帝
御宇禮三恪而為賓烈士敦風賴五帝而

濟世當宜崇封後裔欽奉前修應前代二王三恪及文
宣王之後並可各令繼絕仍加恩命 又曰晉高祖天
福四年勅周受龍圖立夏殷之祀唐膺鳳曆開鄭介之
封歷代相沿百王不易朕顯符景運紹啟丕基乃瞻前
朝載稽舊典宜開土宇俾奉宗祧宜以郇國三
千戶封唐許王李從益為郇國公奉唐之祀

尊賢繼絕封三

原興滅國繼絕世

白虎通曰王者受命而作興滅國繼
絕世何為先王無道妄殺無辜及嗣

子幼弱為強臣所奪子孫皆無罪惡而絕重其先人之功故復立之

內恕之君樂繼絕

世隆名之主安立亡國

漢書功臣表序

微子賓於王家

禮成王既

黜殷命命微子啟代殷後作賓於王家為周之客

蔡仲侯於東土

蔡叔既沒王命蔡仲

踐諸侯位命曰肆予命爾侯於東土

死王事之子

詳前

治楚國之後

王思

子文之治楚國立其孫克黃為後

封霍光曾孫陽等復故爵

漢平帝紀封故

大司馬博陸侯霍光從父昆弟曾孫陽宣平侯張敖元孫慶忌絳侯周勃元孫共舞陽侯樊噲元孫之子章皆

為列侯復爵

賜酈商孫明友等關內侯

又云賜故曲周侯酈商等後元孫酈

明友等百一十三人爵關內侯食邑各有差

封山陽公奉漢祀

帝王世紀云漢獻帝

建康元年禪位黃初元
年封山陽公奉漢祀

封陳留王奉魏祀

又云魏常道鄉公咸

熙二年禪晉泰始元
年封陳留王奉魏祀

石苞國祚莫繼以孫行為公

起晉

居注元康元年詔曰故樂陵公石苞
國祚莫繼其特以苞孫行為樂陵公

王基爵祚再絕

以孫恢紹公

又曰司空王基爵祚再絕以其故安陽令振次男恢紹爵振基之子也

增

二王後兄弟

冊府元龜云開元十五年勅二王後為賓者無子孫以兄弟為後曾經侍養者聽其

承襲
唐朝宗屬中取一人

又云晉高祖天福二年勅周以杞宋封夏殷之後為二王

後兼封舜之後為三恪唐以周隋之後封公又封魏之後為三恪今宜於唐朝宗屬中取一人封公世襲兼隋

之鄴公後周介公備三恪

唯周義不可廢

玉海云嘉祐四年詔以柴氏後為崇義公奉周

祀先是著作何鬲言宜訪唐周苗裔備二王後禮院
議唐世已遠唯周義不可廢遂封柴詠世宗從孫

尊賢繼絕封四

增詔漢安帝續封功臣詔曰夫仁不遺親義不忘勞興
滅繼絕善善及子孫古之典也昔我光武受命中興恢
宏聖緒橫被四表昭格上下光耀萬世祉祚流行垂於
罔極予末小子夙夜永思追惟勲烈披圖按籍建武元
功二十八將佐命虎臣讖記有徵蓋蕭曹肇封傳繼於
今況此未遠而或至乏祀朕甚愍之其條二十八將無

嗣絕世若犯罪奪國其子孫應當充後者分別署狀上將及景風章叙舊德顯茲遺功焉

原表魏武帝謝襲費亭侯表曰不悟陛下乃尋臣祖父
厠豫功臣克定寇逆援立孝順皇帝謂操不忘獲封茅
土聖恩明發遠念桑梓日以臣為忠孝之苗不復量臣
才之豐否既勉襲爵邑忝厥祖考復寵上將鈇鉞之任
兼領大州萬里之憲內比鼎臣外參二伯身荷兼綏之
榮本枝賴無窮之祚也昔大彭輔殷昆吾翼夏功成事

就乃備爵錫臣束修無稱統御無績比荷殊寵策命褒
績未盈一時三命交至雙金重紫顯以方任雖不識義
庶知所尤 又郭嘉有功臣死宜追贈封表曰臣聞褒
忠示寵未必當身念功惟績恩隆後嗣是以楚宗孫叔
敖顯封厥子岑彭既沒爵及丈夫庶誠賢君殷勤於清良
聖祖博篤於明勲也故軍祭酒洧陽亭侯潁川郭嘉立
身著行稱茂鄉邦與臣參事盡節為國臣今日所以免
戾嘉與其功方將表顯使賞足以報效薄命夭殞不終

美志上為陛下悼惜良臣下自毒恨喪失奇佐昔霍去
病蚤死孝武為之咨嗟祭遵不究功業世祖望柩悲慟
仁恩降下念發五內今嘉隕命誠足憐傷 梁任昉為
褚綦代兄襲封表曰一日被司徒符印稱詔二日許臣
兄賁所請以臣紹封南康郡公臣世屬啟聖運偶時來
尚德疇庸光錫土宇臣賁載世承家兄居長德而量已
夙退內事園蔬以臣行達幽明早酷荼苦賁天倫冥至
友愛淳深非直引壻推溫故能逃迹讓位鞠育提養以

及人次事死讓生尚均脫屣取信十室本若錙銖乃遠
謬推恩近霑庸薄能以國讓宏義有歸匹夫難奪守以
勿二昔武始迫家臣之策陵陽感鮑子之言張以誠請
丁為理屈且太宗絕緒命臣出纘傍統稟承在昔理絕
終天永懷情事觸感崩裂伏惟陛下俯權孤門哀榮之
重爰奪臣賁一至之輕察其丹款特賜停絕至公允穆
微臣克幸 又表曰近冒披款庶蒙克亮奉被還詔未
垂矜允伏讀周遑罔寘心誠臣本凡劣身名不限標一

善不足以驗風流存小讓不足以宏進止若乃富埒千
駟貴有邦家二者之來不期而至中人猶其趨趙凡近
固宜勉勗直以門緒有歸長德無二若使賁高延陵之
風臣忘子臧之節是廢德舉豈曰能賢陛下留心孤門
特深追遠故臣窮必呼天憑威咫尺賁嬰疾沈固公私
廢禮逢不世之恩遂良已之志確然難奪有理存焉臣
既承先旨出纘傍統受命有資反身何奉敘心感悼義
迫窮誠臣賁息霽年將志學禮及趨拜且私門世適二

三攸序若天眷無已必降殊私乞以臣霽奉膺珪社伏
願陛下聖慈曲垂矜慎如蒙哀允施重含育周庾信
功臣不死王事請門襲封表曰臣聞以法施民必傳祀
典以勞定國必有承家孫叔敖祭酹無聞有傷良相女
叔齊肩嗣絕沒實貶賢臣謹案大統十六年格先有封
爵死於王事絕嗣者聽以支子繼襲非死王事不許承
封前牒五等功臣皆是勤勞王室身當患難扞禦災禍
翼贊大猷一日遇疾身捐館舍不幸無胤享祀便絕於

禮則不足於義則有傷未求上林之獵已削其侯不服
襜褕之衣先除其國伏惟皇帝崇德旌庸興亡繼絕聞
鼓輦而思將帥畫雲臺而念舊臣豈有功存社稷而無
後可守事盡忠貞而無祠可祭周於藩屏為約事在世
功漢以山河為誓義存長久臣聞存人之國大於救人
之災立人之後重於封人之墓竊以殷朝繼及無廢小
宗周室興亡貴存身後紹高密者累葉豈專鄧禹之正
胤嗣平陽者重世何必曹參之嫡孫愚謂生有其勞死

非王事雖在支庶並聽承襲幸使伯有之魂不能為厲
若教之鬼其無餒而幽顯對揚人神咫尺

增判唐周彥之對遺腹襲侯判曰乙在夢徵蘭生逢集
蓼岐疑繼體戀弓冶之餘徽詩禮無聞想山河之舊業
望九原而不作松石增哀思五等之崇班茅封闕嗣同
夫嵇紹未有識於巨源類彼叔教亦無言於楚相當今
封比干墓式商容閭豈可使諸葛之苗隨時歆滅樂毅
之後沒代湮淪况乎血屬詳明宜存必復之始手文昭

著須傳幹父之能討以前聞義何殊於仲子酌其故事
跡頗類於周文

恩澤封一

增蔡邕獨斷曰漢異姓婦人以恩澤封者曰君比長公
主魏志曰漢制凡人君特所寵念皆賜之封邑及丞相
初拜亦錫茅土號曰恩澤出自私情非至公之封也中
興以來無有封者原公孫弘傳曰漢常以列侯為丞
相唯宏無爵詔以高成之平津鄉戶六百五十封丞相

宏為平津侯其後以為故事至丞相封自宏始也 魏

志崔林傳云林為司空封安陽亭侯邑六百戶三公封

列侯自林始也 增資治通鑑曰天寶九年賜安祿山

爵東平郡王唐將帥封王自此始 記纂淵海曰國朝

之制食邑滿萬戶乃封國公杜衍既致仕因郊祀當加

惠而食邑未滿萬戶特詔封祁國公蓋異禮也 文獻

通考曰按孟堅述西都列侯除王子之外以功臣為一

表外戚恩澤為一表蓋功臣者以勲績顯著而得之者

也外戚恩澤者以遭逢忝竊而得之者也然裔夷之降虜有何勲庸乃儕之功臣宰相而封侯未為恩澤乃儕之恩澤又博陸之定大策輔幼主長平冠軍之征匈奴取朔方破祁連其殊勲偉績本不緣椒房至李貳師則祇緣女寵以進伐大宛得名馬之事又不足言今列貳師於功臣列博陸長平冠軍於外戚抑揚之意殊所未喻記纂淵海曰錫土非所以逮無功割戶實所以封有德苟有寵過其量是謂食浮於人李靖表會要曰

景龍三年兵部尚書韋嗣立上疏曰皇運之初功臣食封才三二十家今恩澤受封至百四十家已上

恩澤封二

增以勞

無勲

文獻通考曰東鄉侯籍建都鄉侯良賀二人俱順帝為太子時小黃門帝立以

勞封 隋書曰李崇以父賢勲封迴樂縣侯時年尚小親族相賀崇獨泣賢怪而問之對曰無勲於國而幼小封侯當報主恩不得終於養是以悲耳賢由是大奇之

迎奉

經略

文獻通考曰廣德元

年西蕃犯京畿代宗幸陝北至華陰魚朝恩以大將軍至迎奉六師方振由是深加寵異永泰二年封鄭國公又曰楊復恭樞密使元翼之子也以父蔭入內侍省元翼卒起復為樞密使僖宗自蜀還京時行在制置內

外經略皆出於復恭
車駕還京封魏國公

父母

妻室

冊府元龜曰後唐
明宗天成二年勅

曰在朝文武臣僚並諸道節度刺史等有父母者宜遍
加恩澤使天下之為人父者知感為人子者知恩又

三年勅夫子立言備有關雎之樂春秋垂訓非無石窰
之封夫尊於朝妻貴於室所宜從爵各顯家肥朝臣及

諸道節度使妻室未
有稱號者宜各加恩

巧為奏

恥與列

漢書曰莽居
攝安衆侯劉

崇與張紹攻宛而敗紹弟竦崇從父嘉詣闕自歸竦因
為嘉作奏莽大悅太后下詔封嘉師禮侯嘉子七人皆

賜爵關內侯又封竦為淑德侯長安人為語曰力戰關
不如巧為奏太平御覽曰元和元年遂置鴻都學畫

孔子及七十二弟子像其諸生皆勅州郡三公舉
用辟召乃有封侯賜爵者士君子皆恥與為列

功

無橫草

封忝賜履

會要曰景龍二年食封邑者一百
四十餘家御史宋務先上疏曰近

者封建頗緣恩澤功無橫草人已分茅記纂淵海曰杜衍封祁國公遺奏有曰非萬戶而忝賜履之封自三少而席司

日侍左右

不離輿衛

文獻通考曰高力士本姓馮則天召

入禁中元宗在藩力士傾心奉之及平內難昇儲位力士居內坊日侍左右從幸成都還封齊國公又曰李輔國本名靖忠元宗幸蜀郡肅宗承命北巡輔國以廐卒從小心恭慎晝夜不離輿衛及即位令掌四方文奏恩遇稍崇又改名輔國既復二京封祁國公

寵章非次

衍食有加

紀纂淵海

恩澤封三

原即墨大夫官無留事

史記田完世家云威王召即墨大夫而語之曰自子之居即墨

也毀言日至然吾使人視即墨田野闢民人給官無留事東方以寧是子不事吾左右以求譽也封之萬家

人君特寵

晉中興書云漢制人君特寵皆賜之封邑

張釋勸王諸呂

漢書

外戚恩澤侯表注以大謁者張釋勸王諸呂封為建陵侯

封樂大為樂通侯

漢外戚恩

澤侯傳云孝武以方術封樂大為樂通侯

封千秋為富民侯

漢書車千秋傳云武帝時

千秋上書訟衛太子冤上頗知太子惶恐無他意乃大感悟謂千秋曰父子之間人所難言公獨明其不然此高廟神靈使公教我公當遂為吾輔佐立拜千秋為大鴻臚數月遂代劉屈氂為丞相封富民侯

閱

故事乃封楊賜

後漢楊賜傳云帝南宮閤錄故事得賜所上張角奏及前侍講注籍乃感悟下

詔封臨晉侯

以舊恩而封彭祖

漢宣帝紀云故掖庭令張賀有舊恩而封賀所子弟

子侍中中郎將彭祖為陽都侯業師古注曰所子者言養弟子以為子

增以恩澤封

文獻

通考云南嶽侯陳茂郭后叔父梁之壻以恩澤封

久宿衛

又云宦者龍亭侯蔡倫桂陽人元初

元年鄧太后以倫久宿衛封邑三百戶

原龍潛之舊

魯國先賢傳云桓帝封鮑吉詔曰吉

與朕有龍潛之

河東太守為天下最

魏志杜畿為河東太守十六年

舊封西鄉侯

常為天下最文帝

董猛固讓封邑

晉起居注云惠帝永平元年詔曰侍

即位賜爵關內侯

中董猛固讓封

增恩澤封優於滅吳功

經濟類編云晉惠帝初楊

邑其封武安侯

駿輔政大開封賞石崇與何攀共奏曰吳會僭逆幾於百年先帝蕩滅逋寇謀臣猛將猶有竭力之効而今恩

澤之封優於滅吳之功不安也

一時恩澤豈足為長世之軌

文獻通考云程

駿傳元魏獻文崩初遷神主於太廟有司奏舊事廟中執事官例皆賜爵駿以為不可表曰臣聞名器為帝王

所貴未聞預事於宗廟而獲賞於疆土雖一時恩澤豈足為長世之軌乎

安樂太平取富

戶冊府元龜云景龍三年應食封邑者一百四十餘家應出封戶凡五十四州皆天下膏腴物產其安樂太

平公主封又取富戶不在捐免限百姓著封戶者甚於征行

代李輔國

文獻通考云程元振

以宦者直內侍省代宗即位以其誅越王係黨與功拜飛虎副使尋代李輔國判元帥行軍司馬封邠國公

未滿萬戶

玉海云宋敏求錄慶厯七年南郊中外將相惟夏竦滿萬戶因詔使相未滿萬戶者

皆得封

乳母子封

續文獻通考云齊解穆嚕塔克達世祖時以乳母子統宿衛封雁門郡公

冀國公

又云完顏巴延成宗乳母夫至元三十一年封為冀國公

恩澤封四

增制唐李嶠授張昌宗麟臺監制曰張昌宗鐘鼎盛門
珪璋重器碩學總於邱墳高才軼於睢渙每懷五嶽之
舉期陟九仙之路雖混濟之量未去朝廷而元遠之心
恒對山水頃立功祠廟欲以致福朕躬嘉其懇誠用增
顯秩固辭侍從之班願在優遊之地予雲寂寞雅好文
詞季長博通堪典經史宜因松柏之性處以蓬萊之山
可麟臺監餘如故薛廷珪授內官劉益謙加官制曰
劉益謙惟爾參我樞近之務副我腹心之求允謂才難

克彰試可委任斯重端莊有聞冰清繩直潔已蒞事數
馬而對問樹不言稽爾秉持稱吾宥密是用升之峻級
寘彼崇班宜保優異勉圖始終

增碑唐鄭薰內侍省監楚國公仇士良碑曰公弱冠以
辨智取位強仕以幹蠱居官及蒞大政以機略致勲勞
臻於貴壽以恬退保終始事在簡冊爵極天人出入七
朝顯揚三紀擊鞠廣場則馳先百馬彎弧迥野則飛落
雙雕故得侍娛遊則三領五坊承顧問則八加供奉

外戚封一

原漢書曰漢興外戚與定天下侯者二人故誓曰非劉氏不王若有亡功非上所置而侯者天下共誅之又曰高祖封呂后父呂公為臨泗侯兄澤為周呂侯又曰文帝封后弟薄昭為軹侯又鄔侯駘鈞以齊王舅侯周陽侯趙兼以淮南王舅侯又曰薄昭竇嬰上官衛霍之侯以功受爵其餘后父據春秋褒紀之義帝舅緣大雅申伯之恩寢廣博矣又曰景帝封太后弟姪竇

廣國為章武侯竇彭祖為南皮侯竇嬰以破吳楚功封
魏其侯后弟王信為蓋侯 又曰武帝封太后同母弟
田蚡為武安侯勝周陽侯皇后姊子霍去病伐匈奴封
冠軍侯 史記曰武帝衛后弟青封長平侯四子皆封
侯貴震天下天下歌曰生男無喜生女勿怒獨不見衛
子夫霸天下 增漢書曰宣帝制御史賜外祖母號為
博平君 原漢書曰河平二年上悉封舅王譚為平阿
侯商成都侯根曲陽侯逢時高平侯立紅陽侯五人同

日封故世謂之五侯 東觀漢記曰馬防兄弟三人各

六千戶防為潁陽侯特以前參醫藥勤勞綏定西羌以
襄城羹亭一千二百戶增防防身帶三綬寵貴至盛

又曰光武封新野王子鄧泛為吳侯皇考姊子周均為
富波侯追封外祖樊重為壽張侯重子丹為射陽侯孫
茂為平望侯彞鄉侯從子冲更父侯后父陰隆宣陽侯
子識原鹿侯就為信陽侯皇考女弟子來歙征羌侯弟
由宜西侯以寧平公主子李雄為新市侯后父郭昌為

陽安侯子流縣曼侯兄子竟新鄭侯匡發干侯以姨子
馮邯為鍾離侯 又曰明帝封太后弟陰興為鮦陽侯
子傅隱強侯陰盛為無錫侯楚王舅子許昌龍舒侯

又曰鄧訓自中興後累世寵貴凡侯者二十九人東京
莫比 魏志曰文帝欲追封太后父母尚書陳羣議自
古無婦人分土命爵之制秦違古法漢氏因之非先王
之令典也帝曰此議是也 增又曰卞隆以后父封睢
陽鄉侯 晉書穆章皇后何氏名法倪準之女也後追

贈父光祿大夫封晉興侯 太平御覽曰哀靖皇后王氏字穆之司徒左長史濛之女也初為瑯琊王妃哀帝即位拜皇后追贈父濛金紫光祿大夫封晉安縣侯

文獻通考曰李祖勲祖昇弟齊文宣時以女為王妃封丹陽王

外戚封二

增先褒紀子

追封靈文

冊府元龜曰周桓王將納后於紀紀本子爵故先褒為侯

又曰漢文帝即位薄太后母前死塋櫟陽北帝乃追封太后父為靈文侯會稽郡置園櫟陽亦置靈文夫人

園

作炭

採桑

史記曰竇皇后兄長君弟曰廣國字少君年四五歲時為人所畧賣至宜

陽為其主入山作炭寒卧岸下岸崩盡厭殺卧者少君獨得脱自卜數日當為侯從其家之長安聞竇后新立廣國去時雖小識其縣名及姓又常與其姊採桑墮用為符信上書自陳皇后召見持之而泣乃厚賜田宅金錢封公昆弟

家於長安

順成

桑樂

冊府元龜曰漢昭帝即位追尊皇太后外祖趙父為

順成侯又曰上官安上官皇后父也初安女入為昭帝婕妤安為騎都尉月餘立為皇后安以后父封桑樂

侯

帝舅嘉

后父昌

冊府元龜曰漢宣帝許皇后父平恩侯嘉元帝舅也嘉自元帝

時為大司馬車騎將軍輔政八九年矣及成帝立久之以特進侯就朝位又曰後漢光武郭皇后父昌真定

人仕郎功曹建武二十六年追贈昌陽安侯

湖陽立廟

陵旁建塋

冊府元龜

曰樊重先武外祖也建武十八年帝南祠章陵過湖陽祀重墓追爵謚為壽張敬侯立廟於湖陽又曰和帝

永元九年追尊帝母梁貴人為恭懷皇后詔追封謚皇太后父竦為褒親愍侯建塋於恭懷皇后陵旁

臨泗

觀津

上詳第一條廣宗人丈德皇后父也明帝太和四年追

冊府元龜曰魏郭永安平

謚永為安陽鄉敬侯青龍三年又追改封永為觀津敬侯

尚三主

封二伯

金史曰富

察鼎壽欽懷皇后之父也通契丹漢字長於吏治封太尉越國公長子希卜蘇又三尚公主而不以勢驕人

續文獻通考曰昭皇后母儀奕世幾於文妣以故張氏得封二伯

大啟土宇

分食

名城

冊府元龜曰外戚之尊由來尚矣肇自周室降及漢家從母后之族貴皇嬪之親或追崇名謚建置

寢園或茂錫珪璋大啟土宇蓋王者展因親之孝重齊體之道焉又曰夫三代之降后妃之家重侯累爵席

寵連封或一門三王或同族五侯分食名城預聞朝政
車服之制名器之重寢或踰焉西京呂王之勢東都梁
竇之權不反三隅同歸一貫俾上微不
當之譏下免無功之誚惟明聖能焉
免無功之誚

本大勲而成

上詳分食名城注續文獻通考曰高
皇帝無外家三尺之盾以故王爵廟貌

雖極隆於揚徐而朱邸自功臣外無兩者若李隴
西由尚主而擔爵然亦岐陽大勲所推本而成

外戚封三

增遭逢

文獻通考曰外戚恩澤者
以遭逢忝竊而得之者也

原穰侯成陶邑之

封袁子云穰侯攻齊五年秦不益尺寸之地反成陶邑
之封應侯以攻韓八年成其汝南之封故戰勝大臣

專益地則
私封之也

速高祖而侯者三人

漢書外戚傳云高祖
呂皇后父呂公單父

人也高祖為漢王元年封呂公為臨泗侯後呂后為人剛毅佐高帝定天下兄二人皆為列將從征伐長兄擇為周呂侯次兄釋之為建侯逮高祖而侯者三人

與定天下侯者二人

詳第一條

四人為王六人為侯

漢高后紀云惠帝崩太子立為皇帝年幼太后臨朝稱制大赦

天下乃立兄子呂台產祿台子通四人為王封諸呂六人為列侯

呂氏所立三王

又云

秋七月皇太后崩上將軍祿相國產頗兵秉政恐為大臣所誅因謀作亂時朱虛侯章在京師以祿女為婦知其謀迺使人告兄齊王令發兵西章欲與太尉勃丞相平為內應以誅諸呂齊王遂發兵以曲周侯酈商子寄與祿善使人劫商令寄紿說祿曰高帝與呂后共定天下劉氏所立九王呂后所立三王皆大臣之議事已布告諸侯王諸侯王以為宜今太后崩帝少足下不急之國守藩乃為上將將兵留此為大臣諸侯所疑何不速

歸將軍印以兵屬太尉請梁王亦歸相國印與大臣盟而之國齊兵必罷大臣得安足下高枕而王千里此萬世之利也祿然

王氏田氏三侯

漢書外戚傳云孝景王皇后武帝母也父

其言使人報產

王仲槐里人母臧兒為仲妻生男信與兩女而仲死臧兒更嫁為長陵田氏婦生男蚡勝臧兒長女嫁為金王孫婦生一女矣而臧兒卜筮曰兩女當貴欲倚兩女奪金氏納太子宮太子幸愛之生三女一男男方身時王夫人夢日入其懷以告太子太子曰此貴徵也景帝即位王夫人生男會薄皇后廢卒立王夫人為皇后男為太子武帝即位為皇太后尊太后母臧兒為平原君封田蚡為武安侯勝為周陽侯王氏田氏侯者凡三人

五人同封

詳第一條

五國並建

東觀漢記桓帝紀云延熹七年十月上幸雲夢

至新野祠公主壽張敬侯廟乙丑詔曰存善繼絕食藉德貞武騎都尉樊演高祖父重以光武皇帝元舅扶助

中興追封壽張侯謚曰敬祖父茂封冠軍平望鄉侯五國並建其二絕者祠之

楊駿為臨晉

之封

王隱晉書云楊駿為臨晉侯時人竊言曰侯稱臨晉後必專國

增聞喜侯

冊府

元龜云竇武扶風平陵人桓思皇后父也延熹八年后初入掖庭為貴人帝拜武郎中其冬立為皇后武遷越

騎校尉封槐里侯五千戶明年冬拜城門校尉靈帝立拜武為大將軍更封武為聞喜侯

封縣君

又云晉王肅妻羊氏武帝外祖母也泰始三年詔曰故蘭陵景侯王肅夫人羊氏含章體潤克成家道而早世未遇休寵皇太后孝思烝烝永慕罔極其封夫人為縣君

舞陽宣德侯

又云何真南陽宛人

靈思皇后父也后選入掖庭光和三立為皇后明年追號真為車騎將軍舞陽宣德侯

王二公

五侯六子三

又云問毗代人文成母恭皇后兄初封河東公後與弟紇並封爵為王自餘子弟賜

爵為王者二人公五人侯六人子三人

以功除

又云長孫敞太宗文德皇后之叔父也從平京

城以功除將作少監及致仕封平原郡公

以舅氏特寵之

又云寶希城者睿宗寶后之族

也元宗先天元年以希城希球希瓘各實封二百戶以舅氏特寵之也

封拜外戚

又云

章敬皇后之弟也肅宗上元中授襄城尉寶應二年始封拜外戚授湊為開府儀同三司太子詹事封濮陽郡公

外戚封郡王

王海云元豐三年御史言曹佺以外戚封郡王祖宗以來未有佺比

主兵符易喜怒

續文獻通考云會昌孫忠伯主兵符而不能易人主之喜怒壽寧張巒伯建昌

張延齡伯能易人主之喜怒而不能與外廷之進止

外戚封無世

又云嘉靖十五年泰和伯

陳萬言嫡孫書乞襲吏部張邦奇言外戚封無世者上命為指揮

外戚封四

增制唐蘓頌授王仁皎開府儀同三司制曰王仁皎盛
門華緒當代賢戚不言而自有陽秋從信而罔愆風雨
軒星作範已寵於金穴魯管增輝更芳於玉樹三事斯
擬百工式瞻俾延椒臺之祥宜助槐庭之理 元張士
觀高麗國王矩加恩制曰矩秉心直諒賦質貞純早克
嗣於先猷久服勞於王室身惟國壻寅居賓日之方男
即皇甥復預乘龍之選築館荷兩朝之眷分茅襲百祀

之傳祖宗世稱漢藩輔保樂土於三韓父子並為周司徒播清風於萬古可高麗國王尚服渥命以介福祺

原表晉庾亮讓封公表曰觀聖賢之於名爵敬戒之甚重豈先哲宜重之於古而聖朝可輕之於今耶譬猶迴太陽以消湛露運滄海以灌燎火其功易成其事易立增唐宋之問為定王武攸暨諸降王位表曰陛下隆德嗣興鴻基紹復外家諸子降等猶誓於山河主第增榮在臣更超於等數雖渭陽情重沁水恩多而濯龍之

戚今乃方於五侯綠駙馬之姻古未封於四履私親越
禮聖人之孝理載光冒寵延灾微臣之官謗斯久 李
嶠為定王讓官封表曰臣行能近淺識性凡陋難化之
質非八音所陶不移之愚豈六藝能飾往緣戚屬叨奉
恩私遂得地列齊封門開魯館承敦叙於九族被徽章
於五等今光華始旦品物維新方就散秩之輩幸沾朝
請之流寧可以冒踐槐廷更增茅土陛下懸旌訪逸刻
像求才朝有白駒之賢野無黃犢之彥方使思皇多士

必明於至公豈令棫樸能官近廢於親昵臣自審量實
所不堪伏冀回光歛霽寢紱收綸察臣不移之心矜臣
非飾之請特停過誤改命才良則白馬丹書不慙於異
姓和羹作礪不逮於凡庸

增碑唐李湛然太子少傅竇希瑊碑曰自祥生石紐祚
啟金刀盛葉與塗山比崇長發將觀津方永文昭武穆
帝載矢之於典謨累將重侯后族布在於方冊故得國
華人傑躡振古以騰芳服冕乘軒迄昌辰而益茂莫不

歌鐘繼響喧喧連北里之音邸館相望藹藹並東都之
盛明張來儀滁陽王廟碑曰皇受天命發跡濠梁方
其始興附於滁陽滁陽先知識聖於微聖有大難王脫
其羈取彼神龍翼之風雲浴日咸池滌其垢氛龍騰日
升伊誰之功有相自天實啟王衷皇奮無旅王命予之
皇室未媿王命女之謀行諫從肝膽弗疑萋斐之言終
莫我離秉鉞專征付以閫外顛強蹙驕有衆日大變生
不意卒疾於驚何啟其緒弗享其成皇明日昌既臣萬

方剖符錫爵乃侯乃王

增論唐李翰漢祖呂后五等論曰孝惠既崩高后稱制
侯王諸呂何不可哉若早署祿產之位序親疎之節小
其國以圖全薄其勢以遠害而陳平周勃亦分茅錫土
將相之後誓同山河舅甥之國穆若唇齒預閉覬覦之
心不踐嫌猜之路克復明辟決自我躬高謝壽陵不負
先帝安有齊兵之觀變代邸之危疑哉

追封一

增槐里

柏川

冊府元龜曰漢武帝即位尊皇太后母臧兒為平原君追尊皇太后父仲為共

侯仲槐里人也槐里起園邑二百家金史曰赫舍哩

良弼柏川人世宗時拜平章政事封宋國公居位二十

年成就太平之功一時號稱

賢相卒後追封金源郡王

先儒

賢相

續文獻通考曰宋理

宗淳祐元年追封先儒周敦頤汝南伯程灝河

南伯程頤伊川伯張載邵伯下詳柏川注

樸直

沉厚

冊府元龜曰德宗在奉天贈故武威郡王賈隱林左僕射賜實封三百戶隱林累有殊功性頗

樸直初奉天圍解百僚稱賀隱林曰陛下性靈太急不能容忍若舊性不改雖朱泚敗亡憂未艾也及是思其

謙言故褒贈有加焉

遼史曰耶律薩喇性忠直

感

瘡

罵賊

續文獻通考曰阿嚕唐古人世祖時征交趾感瘡癘卒于嘉琿請於朝封魏國公又曰

李黼穎人至正中守江州
罵賊而死追封隴西郡公

討武氏

立理宗

文獻通考曰越

王貞起兵討武氏不克子冲與貞同死開元初追復爵
土續文獻通考曰鄭清之鄭縣人以擁立理宗官至

太師累封齊國公
追封魏郡公云

迎柩贈印

至墓賜策

冊府元龜曰後漢光

武郭皇后父昌真定人仕郡功曹建武二十六年后母
薨帝親臨送葬百官大會遣使者迎昌喪柩合葬追贈

昌陽安侯印綬又曰鄧訓鄧皇后父也為護羌校尉
永元二年卒於官元興元年和帝以訓皇后之父使謁

者持節至訓
墓賜策追封

盧豫平山

高颺渤海

冊府元龜曰晉明帝即位追贈

元敬盧皇后父故南陽王文學豫為平山縣侯又曰
後魏高颺文昭皇后父也景明中贈左先祿大夫賜爵

勅海公

鄧香安陽

何真宣德

冊府元龜曰桓帝鄧皇后父香和熹皇后從兄

子也后立帝追贈香安陽侯印綬又曰何真南陽宛人靈思皇后父也后以選入掖庭光和三年立為皇后明年追號真為舞陽宣德侯

追封二

增子孫貴封附

增思成侯

冊府元龜曰宣帝地節三年追賜外祖王迺始謚曰思成侯

原追尊陰

睦為宣恩侯

東觀漢記陰識傳云建武二年追尊貴人父睦為宣恩侯

樊重追封

壽張

又樊重傳云世祖即位追封為壽張敬侯

陰興追封

又陰興傳云夫人薨

興會葬詔使五官中郎將持節至墓賜印綬追封加謚曰鮦陽翼侯

增追爵宣哀

冊府元龜

云陰隆光烈陰皇后父也南陽人建武九年追爵謚隆為宣哀侯

追爵安成

又云章帝竇皇

后父勲大司徒融孫也建武七年追爵謚勲安成思侯

原宋楊追封當陽侯

東觀

漢記宋楊傳云安帝永寧元年遣大鴻臚使持節至墓追封當陽侯

封梁竦為褒親愍

侯又梁竦傳云永和元年制詔三公大鴻臚曰夫孝莫大於尊尊親親其義一也追命外祖以篤親親其追

封謚皇太后父竦為褒親愍侯好爵顯服以慰母心

籍建追封東鄉侯

又順帝紀云中

常侍籍建追封為汝陰東鄉侯

增家無餘財

太平御覽云胡質薨家無餘財唯賜衣書篋而

已追封陽

追封甄皇后父

冊府元龜云魏明帝太和元年以中山魏昌之安城

陵亭侯

鄉戶千追封帝母文昭甄皇后父謚曰敬侯

郭永安陽鄉敬侯

又云郭永安平廣宗

人太和四年追謚永為安陽鄉敬侯

郭滿西都定侯

又云郭滿西平人齊王即位追封謚

滿為西
都定侯

曹彬濟陽郡王

紀纂淵海云本朝曹彬追封濟陽郡王

王安

石舒王

文獻通考云宋徽宗政和三年封王安石為舒王配享王雱為臨川伯從祀

追封

朱熹

續文獻通考云寶慶元年追封朱熹信國公改徽國公

以隱逸追封

又云杜瑛

字文玉天歷中以隱逸追封魏郡公

死陳友諒

又云余闕至正十七年守安慶死於陳友諒追

封幽國公

入敵陣被創

吾學編云河間張忠武王玉洪武二十七年陞都指揮同知成祖舉

兵靖難首用玉策奪北平九門攻東昌敵圍上數匝玉不知所在突入敵陣殺數十百人竟被創沒上哭之食

不下咽即位論靖難功當第一追封榮國公

戰滅渡橋

又云俞忠烈通海巢人從征浙西克

湖州轉戰至滅渡橋中流矢卒贈豫國公改號國公

追友諒至采石

又云張忠毅德勝合

肥人以舟師來歸友諒犯龍江力戰追友諒至采石戰沒贈蔡國公

子孫貴封封暉遂

安郡公

冊府元龜云唐張長遜為五原太守會處羅可汗解兵去高祖大悅封其父暉為遂安郡公

徐世勣父

又云武德二年詔徐世勣父上柱國舒國公蓋宜封濟陰郡王

宋璟父

元撫

又云開元六年侍中宋璟亡父元撫襲贈邢州刺史並贈其母崔氏為安平郡夫人

蕭嵩

父灌裴光庭父行儉

又云十七年追贈中書令蕭嵩父灌為吏部尚書門下平章事裴光

庭父行儉

孫逖陳情

又云二十四年中書舍人孫逖上表陳情曰臣父嘉之幸遇明

為太尉

時早勤學業出身入仕四十餘年纔及令長臣夙荷嚴訓累登清秩頻遷省闈又拜掖垣地近班榮臣則過量途遙日莫父乃後時在公府有偷榮之貴於私庭無報德之效反慙烏鳥徒廁鵠鴻伏望降臣一外官特乞微

恩稍霑臣父優詔獎之
授嘉之宋州司馬致仕

李晟父欽

又云德宗興元元年副元帥李晟平

朱泚拜司徒詔贈晟父欽太子太保母王氏代國夫人

有父母並許加恩

又云後唐

明宗天成三年勅中外臣僚及諸道節度使等有父母者並許加恩

李瓊來歸復父官

爵

續文獻通考云李瓊全之子為蒙古江淮大都督景定三年以京東來歸詔封為齊郡王復其父官爵

自金歸元

又云焦用自金歸元後以子德裕貴封恒山郡王

追封祖父母

父母

又云世宗嘉靖八年令凡孫襲祖爵者得追封其父母曾孫襲曾祖爵者得追封其祖父父母父母旁

夫襲爵者得追封其本生祖父父母妻先故者得追封為妃

追封三

增子孫貴封附

增制元閣復追封伯夷叔齊制曰昔居北海之濱移廟
東山之上休光垂於千載餘澤被於一方永懷孤峻之
風庸示褒崇之典於戲去宗國而辭周粟曾是列爵之
可縻揚義烈以激清塵期於世教之有補可追封伯夷
為昭義清惠公叔齊崇讓仁惠公 姚燧左丞許衡贈
官制曰許衡玉裕而金相準平而繩直出處則惟義所
在言動必以禮自持休休焉有容屬屬乎其敬行已似
秋霜烈日化人如時雨和風來席下之摠衣滿戶外之

列屨今既亡矣誰其嗣之於戲在爾身有垂沒世之名
於朕心有失同時之恨可追封魏國公謚文正 閻復
丞相巴延贈謚制曰巴延崆峒孕秀列象騰精居政府
則不動聲氣措泰山之安秉戎律則純乎仁義猶時雨
之降當其聲鶴浦渝盟之罪總龍驤飛渡之師克廣世
祖好生之心允獲宋人誠服之意衣冠不改市肆不易
恩戚普洽於三吳車書以混文軌以同聲教遂覃於百
粵逮朕纂承之始益申推戴之誠永懷社稷之宗臣宜

侈河山之高爵於戲曹侍中江南之役規摹一何小哉
郭汾陽異姓而王崇報斯亦至矣可追封淮安王謚忠
武 元明善中丞于璋贈謚制曰于璋志蘊忠貞運逢
熙洽慶雲甘露氣和而動植自宜威鳳祥麟瑞應而猛
鷲咸伏結深知於世祖參大政於武皇澄清每振於憲
綱動靜允維於國體逮朕嗣服名卿來廷賜以繡衣執
法應中端之象專茲白簡行軺寬南顧之憂遽何馳計
之聞盍有崇褒之渥於戲劉寬長厚允宜居鼎鼐之司

胡廣中庸謂當久臺閣之任事乖往古恩慰九原可追
封薊國公謚文簡 明王禕中書平章政事常遇春追
封開平王制曰常某英敏而沈毅嚴肅而恢宏自初建
於義旗即來歸於戎旆首從淮右揚采石之鋒旋定江
東振丹陽之捷拓邊疆於全楚殲強敵於三吳掃河洛
而奠中原指幽燕而平朔土功成百戰允為一世之豪
氣蓋三軍豈特萬人之勇近報灤陽之凱益窮漠北之
追攬哀訃之遽來知力疾而猶戰眷言忠蓋深用痛傷

海宇一家既已成於大統君臣同體期共享於太平事
乃若斯情何能已秩庸陞於次相爵兼錫於真王雖禮
數之有加於予心其有歉

增碑明宋濂東邱郡侯花公雲墓碑曰皇上渡江之六
年庚子夏偽漢主陳友諒以舟師入寇圍太平樞密院
判官花公率麾下三千餘人結陣迎戰三日賊不得入
城中乏食公士馬憊城陷賊縛公急公怒奮身大呼縛
盡解起奪守者刀殺五六人罵曰虜非吾主敵也曷不

趣降賊怒碎公首縛於舟檣衆射之公至死罵賊不少
變已而賊犯龍江上命諸將力戰賊敗去後五年上即
吳王位追封公東邱郡侯 陶凱追封徐王廟碑曰洪
武四年夏六月丙申皇帝御皇宮門召禮部尚書陶凱
諭之曰皇后父徐王馬氏世為宿州人家閔子鄉新豐
里王本民家素質樸以兄弟齒序人稱之曰馬某王少
壯時膂力過人沉毅寡言笑重然諾而性剛強疾惡見
有為不義者視之若仇讐然或少忤其意輒肆毆擊雖

至死無所畏憚鄉人莫敢犯當元政失馭天下將亂王以忿爭殺人恐逮於法移家定遠及天下大亂乃挈皇后母避兵他所而以皇后託定遠郭氏俾育為已女後郭氏首難自為元帥收鄉民兵朕亦為部下士遂以皇后為朕之配既定天下即皇帝位皇后正位中宮封皇后父為徐王母鄭氏為徐王夫人以他無繼嗣因立廟於太廟之東歲時奉祭 蘓伯衡岐陽武靖王勲德碑曰皇上誕膺天命統一萬方羣才輻輳共為帝臣傑出

其間而受上將之任者固非一姓至其生建國爵而死
啟王封者僅四人焉曰徐中山王曰鄧寧河王曰常開
平王而岐陽王其一人也

增子孫貴封詩明吳寬送楊君謙致仕曰昨者見章疏
陳情欲長號謂臣心腹間有疾刺如刀自宜鍼石惡不
任簿書勞蒙恩賜封典父母喜俱叨雨露不知感臣豈
如蓬蒿壯年可驅策正合從時髦臣實自知愧奈緣病
相遭

增制宋蘇軾司馬光曾祖政贈太子太保制曰臯陶邁
種德種之遠故其發也難發之難故其報也大古之君
子有種德於百年之前而待報於數世之後者昔聞其
語今見其人某官某篤行有聞信於鄉國懷道不試遺
其子孫天不吾欺再世而顯至於曾孫其德日躋袞衣
繡裳進位於朝退有事於家廟其致朕命詔於有神
元元明善平章董士選贈三代制曰董士選曾祖父所
畎畝怡愉里閭退讓開田種木深期蔽日之輪囷如山

出雲莫測為霖之變化子能擇主孫亦象賢一門萬石
之家聲四世五公之譜牒於戲慎終追遠分茅宣曾矩
之光崇德報功推本叶孫枝之願亶茲異渥寵爾營魂
宋本丞相巴延祖考封謚制曰巴延祖考故千夫長
阿拉沉毅而窮力忠勤而小心從役呼展奮蛇矛而深
入扈征蜀道裹馬革以長終賢勞宿著於生平陰隲益
隆於身後天開神聖闢中土而大同地隔江淮獨東南
之未下廼生孫子一我寰區肆加命數之隆用極褒崇

之典可追封淮安王謚武康 王構翰林承旨姚燧父

楨贈官制曰楨名門甲姓偉望通才初與長公聯芳於
西洛繼為膚使持節於南壩以拯濟生靈為心以拔揚
茂異為任茆艱危而靡恤期德澤之丕揚所全活者幾
千人若昔鄧公之河役其往依者五百室非惟李氏之
義門奚我生之弗辰竟以死而勤事風雨憂時之畧有
鬱於中蓄畬名世之規以貽於後於戲貞風千古歸然
不廢魯靈光太中一家嗣者無慙漢司馬可追封魯國


公謚忠獻

增表唐常袞謝贈官表曰臣授任非據尸位已淹合上
叩公朝退身私第固以未俾神化誓答皇慈尚塵青瑣
之闥猶污玉堂之署乾坤施厚歲月恩深今又念及先
臣旌其內訓寵以六官之長榮極三師之列魚軒表於
東海翟茀賦於南都宗祏有儀春秋有祀屬當禁火歸
省先塋便奉除書以時昭啟洒雨露於松柏懸日月於
邱封閭里相榮故老垂泣權德輿謝追贈父母官表

曰臣齟齬之歲孤苦零丁遭逢昌運忽至台司無能受
祿莫與臣比以先臣之名器未稱餘慶或鍾蒙陛下之
寵秩逾涯此生何幸 唐良士代韋令公謝先人贈官
表曰臣父受教儒門宣力王室雖典司綱轄而未及崇
班臣逮事休明謬登清貴常恐不克負荷忝辱祖宗豈
謂陽和之仁因下炎上雨露之澤自葉流根大府名藩
位秩崇重授之庶姓罕有其倫是臣父著績於先朝蒙
寵於今日臣事君之節未效涓塵為子之方已榮松檟

感恩思報豈謂為忠覆族殞身孰云非孝

增碑唐顏真卿郭子儀家廟碑乾元三年下詔曰故壽
州刺史郭敬之累君子之行毓達人之德才光文武政
美中和生此大賢為我良弼於是鬱興神武之師克掃
櫓槍之氣而子儀帥彼勁卒赫然先驅取京洛如拾遺
剪凶殘猶振槁功存社稷澤潤生人是用寵洽哀榮義
申存沒累追贈太保



御定淵鑑類函卷一百二十

欽定四庫全書

子部

御定淵鑑類函卷一百二十一
二

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣李維瀛

欽定四庫全書

御定淵鑑類函卷一百二十一

封爵部四

徙封 異域降附封 婦人封
命婦并入 爵封 遜讓封

徙封一

增南郡

西華

文獻通考曰彭城靖王恭永平九年賜號靈壽王十五年封為鉅鹿王建初三

年徙封江陵

改南郡為國

又曰淮陽頃王昞永平五

年封常山王

建初四年徙為淮陽王

以汝南之新安西

華益淮

平項籍

擊陳豨

文獻通考曰韓信既取齊四年立信為齊王五年平

陽國

項籍徙信為楚王都下邳

又曰琅邪營陵侯劉澤高

祖從祖昆弟也

以擊陳豨有功高后七年封琅邪王文

帝元年徙
澤為燕王

廢中山

制藩國

文獻通考曰沛獻王輔
建武十五年封右馮翊

公十七年郭后廢為中山太后徙輔為中山王又曰
陳思王傳時法制待藩國既自峻迫寮屬皆賈豎下才
兵人給其殘老大數不過二百人又植以前
過事復減半十一年中三徙都常汲汲無歡
平高麗

禦宗師

冊府元龜曰高宗總章元年成國公契苾何
力徙封梁國公賞平高麗之功也續文獻

通考曰遼耶律隆運本姓韓名德讓統和中賜姓名皇
太后稱制總宿衛事從太后禦宗師有功封楚國公後

進王齊又從太后南征
許宗成而還徙王晉

深入賊陣

幼養宮中

冊府元龜

曰淮陽王道元高祖從父兄子也擊哈達戰沒太宗每
追痛之常從容謂侍臣曰道元始終從朕深入賊陣所
向必剋惜其幼少力不遂心及難平後以其弟武都王
道明徙封於淮陽國續文獻通考曰遼耶律達魯德

讓弟幼養宮中授小將軍重熙初封漆水郡王後封
混同郡王清寧初徙王鄧以年老乞骸骨更王楚

致仕改封 年老更王

冊府元龜曰豆盧寬為左衛大將軍陳縣公以年老致仕改封

芮國公 下詳
幼養宮中注

徙封二

增徙王菑川

文獻通考云興居齊悼惠王子文帝二年封濟北王三年謀反自殺上憫濟北分齊

為六國盡封悼惠王諸子以安都

徙王江都

又云易王非景

帝子以前二年立為汝南王吳楚

衡山王不應吳楚

反討平之徙王江都治故吳國

徙王濟北

又云淮南厲王之子勃封衡山王吳楚反以書招勃不應景帝嘉之徙封濟北王

徙王山陽定陶

又云共王康元帝子元光三年立為濟陽王六年徙為山陽王八年徙王定陶

原春陵下濕減邑內徙

東觀漢紀春陵宗室傳云春陵孝侯以春陵地勢下濕有

山林毒氣上書求減邑內徙元帝徙之南陽猶以春陵為國

增徙為齊王

文獻通考云建

武二年立續長子章為太

襄邑徙封成陽

又云劉求更始長子

原王十一年徙為齊王

更始降赤眉為謝祿所殺明年求兄弟與母詣洛陽帝封求為襄邑侯奉更始祀後徙封成陽侯

原

樊宏封壽張

東觀漢紀樊宏封長羅侯建武十三年徙都尉封謝侯十五年徙封壽張侯

陰傳徙封期思

又曰陰傳封隱彊侯七年以隱彊屬西徙封于丹陽為期思侯也

增

徙封父城新息

文獻通考云朱浮沛國蕭人以從光武定北邊建武二年封舞陽侯食三縣後

徙封父城侯二十
年徙封新息侯

遺詔徙為陳王

又云陳敬王羨永
平三年封廣平王

七年徙為西平王肅宗崩
遺詔徙為陳王食淮陽郡

徙封魯陽鄉侯

又云陵陽
侯丁綝穎

川定陵人王莽末世祖畧地潁陽綝說其宰降後征伐
有功封定陵新安鄉侯後徙封陵陽建初四年徙封魯

陽鄉
侯

子楷嗣徙封

又云魏任城威王彰建安二十
一年封鄆陵侯黃初二年晉爵為公

三年立為任城王子楷嗣徙封中年五年改封任城
縣太和六年復改封任城國正始七年徙封濟南

范陽徙封宛侯

又云彭城王據建安十六年封范陽侯
二十二年徙封宛侯黃初二年進爵為

公三年為章陵
王又徙義陽

徙譙縣鄆城市

又云沛穆王林建安
十六年封饒陽侯二

十二年徙封譙黃初三年為譙王五年
改封譙縣七年徙鄆城太和六年徙沛

壽春徙封汝

陽弋陽

又云楚王處建安二十一年封壽春侯徙封汝陽弋陽

渤海徙太原

又云

晉太原成王輔孚子武帝受禪封渤海王復徙為太原王

汝陰徙扶風

又云扶風武王駿宣

帝子武帝踐阼進封汝陰王後徙封扶風

出繼徙封

又云東萊王蕤攸子出繼遼東王定國後

徙封東萊齊王

始平徙楚

又云楚隱王瑋武帝第五子初封始平王後徙楚

杜伏

威徙封吳王

冊府元龜云唐高祖武德二年和州賊帥杜伏威降授和州總管封楚王三年徙封

吳王例改遼西

續文獻通考云遼陽哲安次人擢進士乙科清寧初封趙國公咸雍初再徙齊

晉又封趙王太康中例改遼西郡王

徙封三

增冊文唐岑文本冊越王泰改封魏王文曰昔在哲后
受命君臨並建茂親以為藩衛然則古之列國今之按
部循名或異立政是同皆所以共治黎元俱獎王室克
隆鼎祚咸悉由之惟爾越王泰生而韶敏幼而好學樂
善不倦才德日新地則維城禮優分器惟彼三魏實號
五都非親勿居夾輔攸屬是用改封魏王傳之子孫長
為藩翰

異域降附封一

增知歸

乞號

文獻通考曰吐谷渾阿豺兼并氐羗地
方數千里號強國昇西強山觀墊江源

問于羣寮曰此水流更有何名由何郡國入何水也其
長史曾和曰此水經仇池過晉壽出宕渠始號墊江至
巴郡入江渡廣陵會于海阿豺曰水尚知歸我獨無所
歸乎乃遣使南通宗獻方物宋少帝封為澆河公又
曰于闐嘉祐八年遣使貢方物以其國王為特進歸忠
保順碩麟黑韓王于闐謂金翅鳥為碩麟黑韓王可汗
之訛使言其
王乞此號去
獨悟
先降
冊府元龜曰唐太宗貞觀
四年詔突利可汗阿史那
什鉢苾志懷英果識機能斷情深獨悟實唯先覺往在
北蕃位地兼重早知慕義特布欵誠可封北平郡王
又曰高宗總章元年破高麗以僧
信誠為銀青光祿大夫賞先降也
歸義
成功
冊府
元龜
曰高祖武德元年突厥曷婆那可汗自宇文化及所來
降封為歸義王又曰德宗建中元年冊回紇頓為武

義成功

懷義

奉化

冊府元龜曰天寶十四載以投

可汗

賜姓李名忠信

又曰晉高祖天福四年制曰回紇可

汗仁美雄臨朔野度奉中朝一方之烽燧茂聞萬里之

梯航繼至宜

罷射雕

遣貢象

冊府元龜曰中宗景

封奉化可汗

儲蓄降附制曰將軍遇義永罷射雕使者迎降果聞乘

傳宜開土宇之封式威疆場之制續文獻通考曰陳

日照安南國王景定三年叛蒙古傳位于

突厥內附

子光曷遣使貢象詔封光曷為安南王

蒙古來歸

冊府元龜曰唐高祖武德元年突厥冒婆

拜為吐馬過拔闕可汗續文獻通考曰李璣全之子

為蒙古江淮大都督景定三年以京東來歸詔封為齊

郡王復其

悔過入朝

改名稱賀

孔帖曰突厥默啜

父官爵

次定四庫全書

御定淵鑑類函

五

閻知微冊可汗持節往默啜又遣使謝知微過諸道即與緋袍銀帶田歸道諫曰鹵背惠且積年今悔過入朝宜待天旨而知微擅賜使朝廷何以加之宜勅初服須天子命后從焉冊府元龜曰晉高祖天福六年制曰高麗王建守三韓之重地定百濟之強鄰遣猶子以來朝改名臣而稱賀慕予正朔用舉徽章可封高麗王

始棄吐蕃

請復南詔

冊府元龜曰德宗建中四年封東蠻鬼王驃旁等為和義順正

等郡王驃旁等自陷雋州臣于吐蕃絕朝貢者二十餘年及是劔南節度韋臯招誘之始棄吐蕃來朝特封郡王又曰南詔異牟尋即雲南王閣羅鳳之孫天寶中閣羅鳳北臣吐蕃命為贊普給以金印卒異牟尋嗣立至是乃去吐蕃所立帝號請復南詔舊名帝嘉之賜以金印銀窠其文曰貞元冊南詔印

請勒兵

以赴

俱守節不從

冊府元龜曰高宗即位吐蕃贊普弄贊致書長孫無忌云上初即位

若臣下有不臧之心者請勒兵以赴之并獻金銀珠寶十五種請置太宗靈座之前於是進封賓王又曰開元六年遣使冊立烏長國王骨咄國王俱立國王三國在安西之西與大食鄰境大食煽誘為虐俱守節不從潛布款誠於朝廷帝深嘉之

異域降附封二

原春秋潞子之爵

漢功臣表序云昔書稱蠻夷率服詩云徐方來同春秋列潞子之爵許其

慕諸夏也

漢興弓高之封

又云漢興至于孝文時乃有弓高襄城之封雖自外徠本功臣

後

離狄內附嘉之稱爵

應劭注漢功臣表序云潞子離狄內附春秋嘉之稱其爵列

諸盟會間

徐盧以匈奴王降侯容城

漢孝景功臣表云容城攜侯徐盧以匈奴

王降侯
七百戶

匈奴降漢侯之勸後

漢匈奴王徐盧等五人降漢景帝欲侯之亞夫

曰彼皆王降之不可上曰丞相議不可用乃皆封侯

南越桂林監諭民降侯湘

成

漢孝武功臣表曰湘成侯監居翁以南越桂林監聞漢兵破番禺諭歐駱民四十餘萬降侯八百三十戶

得南粵王建德封海常侯

漢書南粵傳云其校司馬蘇弘得建德為海常侯

得南粵相呂嘉封臨蔡侯

又云粵郎都稽得嘉為臨蔡侯

殺東粵王

餘善封東成侯

又閩粵傳云粵故建成侯敖與繇王居股謀殺東粵王餘善封居股東成侯敖

開陵侯

斬西于王封下廊侯

又云故歐駱將左黃同斬西于王封為下廊侯

殺朝鮮王右渠封濶清侯

又朝鮮傳云尼谿相參乃使人殺朝鮮王右渠來降封參

為畫清侯也

誅成已封涅陽侯

又云朝鮮相路人降道死右渠之大臣成已又反路

人子最告諭其民誅成已最以父死頗有功為涅陽侯

增立宛貴人昧蔡為王

文獻通考云大宛漢時通馬太初元年拜李廣利為貳師將軍取善馬貳師至宛宛人斬王母寡首獻馬漢軍取其善馬數十匹中馬以下牝牡三千匹而立宛貴人昧蔡為王

原匈奴先賢揮來

降封歸德侯

漢宣帝神爵二年

增稱臣而不名

文獻通考云甘露三年單

于朝天子于甘泉宮漢寵以殊禮位在諸侯王上贊謁稱臣而不名

復高麗王號

又云莽初

發句麗兵伐匈奴其人不欲行迫遣之皆亡出為寇盜莽令嚴尤誘高麗侯入塞斬之更高句麗王為下句麗侯寇邊愈甚光武建武八年遣使朝貢詔復其王號

拜伏受詔

又云建武二十五年南單于遣

使詣闕奉藩稱臣求使者監護二十六年遣中郎將段
柳等使南單于立其庭單于延使者使者曰當拜伏受
詔單于願望有
頃乃拜伏稱臣
封於仇齋等為王
又云建武二十一年鮮卑與匈奴入

遼東遼東太守祭彤擊破之斬獲殆盡三十年鮮
卑大人於仇齋等率種人朝賀帝封於仇齋為王
原

鮮卑軻比能降拜歸義侯
魏志烏丸鮮卑傳云鮮卑軻
比能將部眾來降拜歸義侯

增倭女王封王

文獻通考云魏景初二年既平公孫
氏倭女王遣大夫難升米等詣郡求

詣天子朝獻太守送詣都乃
以金印紫綬封為親魏倭王

鮑嗣請受朝命

又云慕容廆自

稱鮮卑大單于奉晉室朝貢臣禮不闕至鮑
嗣自稱燕王遣使于東晉請受朝命許之

呵囉單

婆皇婆達並加除授

又云宋元嘉二十六年文帝詔曰
呵囉單婆皇婆達三國頻越遐海

款化納貢遠誠宜
甄可並加除授

天竺使貢獻

又云文帝元嘉五年天竺伽毗梨國王月愛遣

使奉表獻金剛指環摩勒金環寶物赤白鸚鵡各一
武帝太始二年又遣使貢獻以其使為建威將軍

梅安朝京師

又云魏道武泰常八年蠻王梅安率渠帥數千朝京師求留質子以表忠款詔拜官

褒慰

金真平拜樂浪郡公

又云新羅本辰韓種也土地物產畧與華同至隋時

遣使來貢其王金真平
文帝拜為樂浪郡公

謝龍羽封夜郎郡公

冊府元龜云唐

高祖武德三年牂州蠻酋謝
龍羽遣使朝貢封夜郎郡公

拜夷南為毗伽可汗

又云

太宗貞觀三年薛延陀可汗一利咄夷南遣使朝貢
詔游擊將軍喬師望齎冊書拜夷南為毗伽可汗

授扶餘璋嫡子義慈為百濟王

冊府元龜曰太宗貞觀十五年詔曰百濟王扶

餘璋棧山航海遠稟正朔奄致薨
隕追憶愍悼令其嫡子義慈嗣位

以男子為王

文獻通考

云東女亦曰蘇伐刺罕有八十城以女為君其王斂辭
使大臣來請官號武后冊拜將軍天授開元間王及子

再來朝詔與宰相宴曲江封王
夫為歸昌王後乃以男子為王

冊素迦為竭帥國

王冊府元龜曰元宗天寶九年冊曰竭帥國王勃特沒
之兄素迦輸忠赤于朝廷表仁惠於蕃部宜膺旌賞

用冊爾為竭帥國王

賜姓更名

又云契丹按巴堅死長子東丹王托雲當立其母舒嚕愛德光

托雲不得立長興元年自扶餘泛海奔唐明宗賜
其姓為東丹更名曰慕華後又更姓李名贊華

李

聖天封大寶于闐國王

冊府元龜云晉高祖天福三年制曰李聖天境控西陲心馳北

闐頃屬前朝多事久阻來庭今當寶厯開
基乃勤述職宜冊封為大寶于闐國王

授龍挺交

趾郡王

又云宋真宗景德三年龍挺殺龍鉞自立欲修貢詔許之乃遣弟明旻等入貢詔授龍挺交趾

郡王

用斯多特恩例

又云景德九年吐蕃以李遵為保順軍節度遵甚有威名性貪忍其下怨

而懼之屢表求贊布號朝廷以為贊布戎王也遵居斯多特下不應妄授乃用斯多特恩例焉

以龍鉞

為安遠大將軍

又云咸平元年龍鉞來朝龍鉞四世受命為酋雖貢方物未嘗自行今始至獻

馬二千餘匹詔以龍鉞為安遠大將軍

封其王與占城等

又云真臘國在林邑西南

宋宣和二年遣使來朝

賜中山山南王印

續文獻通考云琉球

廷封其王與占城等

國王初姓歡斯名渴刺兒後嗣分為三曰中山王山南王山北王明洪武初三王遣使朝貢行人楊載使日本

歸道琉球遂招之王願內附請封爵詔賜

中山王察度山南王永察各鍍金銀印

賜布延特

穆爾稱安定王

又云明洪武安定布延特穆爾貢鎧甲刀劍等上即其地分為阿敦阿津庫先

特哩四部賜布延特

封高麗國王

又云洪武二十六年高麗國王顯上

穆爾銀印稱安定王

表賀即位遣符寶郎僕斯

封麻邪惹加那乃爲國王

賜金印封爲高麗國王

又云渤泥在西南大海中明洪武遣監察御史張敬之往諭來朝貢永樂乙酉詔封其國王麻邪惹加那乃爲

國王 封蘇門答刺國王

又云蘇門答刺與花面國相接永樂乙酉國王遣其臣阿里來

朝詔封蘇門答刺國王

異域降附封三

增詩唐崔湜送梁卿王郎中賜東蕃弔冊詩曰梁侯上

卿秀王子中臺傑贈冊綏九夷旌旃下雙闕西堂禮樂
送南陌軒車別征路入海雲行舟泝江月茲邦久欽化
歷載歸朝謁皇心諒所嘉寄爾宜風烈 劉禹錫送源
中丞充新羅冊立使詩曰相門才子稱華簪持節東行
奉德音身帶霜威辭鳳闕口傳天語到雞林煙開鼇背
千尋碧日浴鯨波萬頃金想見扶桑受恩後一時西拜
盡傾心 賈島送于中丞賜回紇冊立詩曰君立天驕
發使車冊文字字著金書漸過青塚鄉山盡欲達皇情

譯語初

增詔明王禕封占城國王詔曰咨爾占城國王素處海
邦奠居南服自乃祖父世篤忠貞嚮慕中朝恪守臣節
今朕肇承大統撫馭萬方欲率土之咸寧嘗馳書而往
報而爾能畏天命知尊中國即遣使稱臣來貢方物思
法前人之訓以安一境之民眷爾忠誠良可嘉尚於戲
以內治外朕乃一視同仁以小事大爾尚慎終如始永
為藩輔益勉令名 又封高麗國王詔曰朕肇膺正統

誕撫多方乃眷高麗襲朝鮮之遺壤克尊中夏逾渤海
而稱臣蓋由夙慕於華風用是恪修於臣職况爾三韓
之累世皆慎始終屬茲四海之一家何殊内外爰稽彝
制載錫真封

增制唐李嶠封烏薄利歸義縣開國子制曰烏薄利家
近圓城任隆方岳惠洽藩部功宣朝廷扶津構虐燧穴
生氛能拒祲凶固守臣節踰馬韓而獻冊汎鯨海而申
虔書勞有典方隆將帥之班舉善不遺宜拓公侯之宇

元程鉅夫安南國王陳益稷加恩制曰陳益稷慕帝

王之有真見幾而作懼祖宗之不祀自拔而來始者周

王之赫怒伐罪弔民終焉舜帝之誕敷班師振旅彼迷

不復爾守彌堅拯溺救焚從王師凡一再舉適館授餐

留湖右幾三十年身歷事於四朝志不渝於初節肆朕

即祚亟其來庭於戲內寧外撫朕不忘銅柱之南近說

遠來爾益拱辰星之北對揚休命永堅一心明蘇伯

衡封靖西王制曰朕惟實融保五郡而事漢式彰推戴

之忱李勣舉十州以歸唐益著忠貞之節具位某曩在
北朝屬為近戚任維城之重寄乃胙土於遐陬茲朕誕
開鴻業之初惟爾灼知厯數之在審於去就率先遣使
而來庭籍其土疆不待興師而及境知同馬援之識真
主義等箕子之歸成周是用頒新命以示恩仍舊封而
授任

婦人封一

命婦併入

增杜氏通典曰凡三代之制諸侯之婦曰夫人

夫之言扶

大

夫曰孺人

孺之言屬

士曰婦人

婦之言服

庶人曰妻

妻之言齊

公侯有

夫人有世婦有妻有妾

貶於天子也無后與嬪去上中

邦君之妻君稱

之曰夫人夫人自稱於天子曰老婦

自稱於天子謂畿內諸侯之夫人助

祭若時事見

自稱於諸侯曰寡小君

謂饗來朝諸侯之時

自稱於其君

曰小童

若云未成人也

邦人稱之曰君夫人

異邦人稱之亦曰君夫人

自世

婦以下者自稱曰婢子

婢之言卑也以接見敵體故嫌其當

凡婦

人無爵從夫命之爵坐以夫之齒

爵謂夫命為大夫則妻為命婦

至秦

漢婦人始有封君之號元壽七年始令列侯太夫人夫

人諸侯王子及吏二千石無得擅徵補

如淳曰列侯之妻稱夫人列侯

死子復為列侯乃尊稱太夫人子不得列侯則不得稱之

其餘多闕

孫盛晉陽秋

論曰婦人之封六國亂政

蔡邕獨斷曰漢異姓婦人

以恩澤封者曰君比長公主

魏氏春秋曰黃初三年

帝欲侯太后父母陳羣奏曰案典籍之文無婦人分土

命爵之制在禮婦人從夫爵耳

杜氏通典曰唐外命

婦之制

皇帝妃嬪及太子良娣以下為內命婦公主及王妃以下為外命婦今內命婦其職員令中其

制大約皆出於漢魏不復重叙

諸王母妻及妃

嗣王郡王母妻亦同

文武官一品

及國公

其非始封者帶三品以上亦同

母妻為國夫人三品以上母妻

為郡夫人四品妻為郡君

若勳官二品有封亦同四品

五品母妻為

縣君

若勳官三品有封者亦同五品

散官同職事若勳官四品有封母

妻為鄉君其母邑號皆加太各視夫子之品

若夫子兩有官及爵

或一人有官及爵者皆從高蔭

其不因夫子別加邑號者夫人云某品

夫人郡君云某品郡君

縣君鄉君准此

諸庶子有五品以上官

封者若嫡母在所生之母不得為太妃以下

無者聽之其承重者

不合中宗時韋皇后表請諸婦人不因夫子而加邑號許

同見任職事聽子孫用陰門施祭戟制從之儀

太后時契丹寇

平州平州刺史鄭保英妻爰氏率城內女子助守賊遂退封為成節夫人又咸亨元年贈武太后母為魯國

夫人諡曰忠烈

開元八年五月勅准令王妻為妃文武官及國

公妻為夫人母加太字一人有官及爵者聽從高叙但

王者名器殊恩或頒異姓妻合從夫受秩令甲更無別

條率循舊章須依往例自今已後郡嗣及異姓王母妻

並宜准令為妃貞元六年太常卿崔縱奏諸國王母未

有封號請遵典故為某國太妃吏部郎中柳冕等狀稱

歷代故事及六典無公主母稱號伏請降於王母一等
命為太儀各以公主本封加太儀之上從之 宋史曰

建隆三年詔定文武羣臣母妻封號太皇太后皇太后
皇后曾祖母祖母封國太夫人諸妃曾祖母祖母母
封郡太夫人婕妤祖母母封郡太君貴人母封縣太君
宰相使相三師三公王侍中中書令曾祖母祖母母封
國太夫人妻國夫人樞密使副知院同知參知政事宣
徽節度曾祖母祖母母封郡太夫人妻郡夫人簽書樞

密院事曾祖母祖母封郡太君妻郡君東宮三太文武二品嗣王郡王國公郡公縣公母郡太夫人妻郡夫人其下縣太君縣君孺人各有差 潛確類書曰宗政和年詔命婦列郡縣以稱君蓋非婦道且等級無別於是定制執政以上封夫人尚書以上封淑人侍郎以上封碩人大中大夫以上封令人中散大夫以上封恭人朝奉大夫以上封宜人朝奉郎以上封安人通直郎以上封孺人 續文獻通考曰元一品封國夫人二品封

郡國夫人三品封郡侯夫人四品封郡君五品封縣君

六品封恭人七品封宜人 明會典洪武二十六年定

制一品封贈夫人二品封贈夫人三品封贈淑人四品

封贈恭人五品封贈宜人六品封贈安人七品封贈孺

人 凡功臣推封制封某國公者即封某國夫人封某

侯者即封某侯夫人伯子男同又制封贈公侯伯子男

者其公侯夫人各從其爵伯子男夫人止封夫人不得

用爵 凡命婦因子孫官爵封母并祖母者並加太字

追封則否

婦人封二

命婦并八

原左傳曰晉敗齊師陳于鞏齊侯遂自徐闕入見保者
曰勉之齊師敗矣辟女子曰君免乎曰免矣銳司徒免
乎曰免矣苟君與吾父免矣可若何乃奔齊侯以為有
禮既而問之辟司徒之妻也封之石窳 陳留風俗傳
曰延丘者衛地也故燕之延鄉高祖與項氏戰厄於延
鄉有翟母者免其難故以延鄉為封丘縣以封翟母焉

史記曰漢有平原君即景帝王皇后之母也 後漢

書曰崔駰曾祖母師氏能通孝經百家之言王莽賜號
儀成夫人金印紫綬文軒丹轂顯於新室之世 又曰

鄧后臨朝爵其太夫人爲新野君萬戶供湯沐邑薨贈
以長公主赤綬謚曰敬君 又曰梁冀妻孫壽封爲襄

城君兼食陽翟租稅又入五十萬加賜紫綬比長公主

又曰和帝夫人陰氏薨追號開國君賜紫綬 又曰

靈帝封乳母宋娥爲山陽君五千戶左雄奏曰尚書故

事無乳母爵邑之制唯孝安皇帝變亂舊典封爵阿母

王聖為野王君生為天下所咀嚼死為天下所欣快初

封野王漢陽地動今封山陽君京師復震專政在陰其

災尤急 又曰董卓為相國封其母為池陽君置令丞

晉書曰羊祜卒二歲而吳平武帝流涕曰此羊太傅

之功也因以策告祜廟仍依蕭何故事封其夫人夏侯

氏為萬歲鄉君食邑五千戶 又曰太始六年詔太傅

壽光公鄭沖太保華陵公何曾皆假夫人世子印綬食

本秩三分之一皆如郡公侯比 又曰王導妻卒贈金

章紫綬 又曰虞潭母亦拜為武昌侯太夫人加金章

紫綬潭立養堂於家王導以下皆就拜謁 又曰韋逞

母宋氏其父授以周官音義逞仕苻堅為太常乃就宋

家立講堂置生員一百二十人隔絳紗幔受業號宋為

宣文君 宋書曰鄱陽縣侯孟懷玉上母檀氏拜國太

夫人有司奏許御史中丞袁豹以為婦人從夫之爵懷

玉父綽見任大司農其妻不宜從子 隋書曰高涼女

子洗氏世為南越首領有功詔冊為高涼郡太夫人齎
繡幃油絡駟馬安車旌節鹵簿一如刺史之儀後冊為

譙國太夫人仍開譙國太夫人幕府置長史以下官屬
增冊府元龜曰高宗乾封元年有事於泰山老人年
八十以上者婦人版授郡縣君 唐書曰肅宗乾元初

詔百官元日冬至於光順門賀皇后于休烈為太常奏
周禮有命夫朝人君命婦朝女君自顯慶以來則天后
甫行此禮而命婦與百官雜處在禮不經帝罷之 宋

史曰蘇易簡母薛氏入禁中太宗賜以冠帔命坐問曰何以教子對曰幼則束以禮讓長則教以詩書上曰真孟母也 又曰禮部尚書任中正母入謁禁中與陳彭年王曾張知白妻同見真宗命中正母為班首且賜坐 又曰天禧三年詔中書舍人給事中諫議大夫母封郡太君而學士不預時盛度為兵部郎中請追封其母自是學士官未至諫議者皆得封母 又曰張貴妃受冊禮官議命婦入賀儀未決或曰妃為脩媛時命婦已

不能亢禮况今日乎既有司議惟有外一品南省上
事百官班見之儀然禮無不答議乃定

婦人封三

原開封

新野

東觀漢記順帝紀云大將軍夫人躬率禮淑慎其身超號爲開封君即大將

軍梁冀妻也

下

爲命婦

皆從夫

禮曰婦人無爵從夫之爵坐以

新野詳在第二條

夫之齒謂夫爲大夫則婦爲命婦

凡婦人無

恩自

爵從其夫之爵位生禮死事皆從夫之尊卑

宸極

榮及閨門

增攜首

截耳

唐書曰魏衡妻王氏武德初薛仁果

舊將房企地侵掠梁部因獲王氏逼而妻之後企地領家將走梁州飲酒醉卧王氏斬之攜其首入城高祖悅

封為崇儀夫人 又曰衡方厚太和中任邕州都督府錄事參軍為招討使董昌齡誣枉殺之方厚妻程氏徒

行詣闕截耳于右銀臺門告夫被殺

守城 教字 唐書

之冤開成元年降勅封武昌縣君

曰咸亨中燕山道總管李謹行大破高麗謹行妻劉氏

留在代奴城高麗攻之劉氏率眾守城賊乃退上嘉其

功特封燕郡夫人 續文獻通考曰余天錫有援立理

宗功封奉化郡公其母朱氏嘗為理宗沐浴教字封周

楚國夫人 蒼女 卓孫 經濟類編曰東平王蒼上疏求朝

乃獨封蒼五女為縣公主 太平御覽曰董卓孫女名

白時尚未笄封為渭陽君于郿城起壇使白乘金華青

蓋車都尉中郎將刺史二千石在 至元 大德 續文

郿者各令乘軒為白導從之壇 獻通

考曰完顏巴延成宗乳母夫至元三十一年封為英國

公妻何氏為夫人 又曰燕家努武宗皇太子乳母夫

大德十一年封為壽國
公妻李氏為壽國夫人

加號

改元

冊府元龜曰開元二十七年加

尊號詔天下百歲已上婦人版授郡君九十已上婦人

版授縣君八十已上婦人版授鄉君又曰周太祖廣

順元年即位改元詔內外命婦並與

以功有勞府

追封因夫子叙封者不得過五品

元龜曰代宗寶應元年封朔方節度僕固懷恩妻賀魯

氏為涼國夫人以功寵之也又韓昌黎集曰貞元十

五年靈州節度李樂守邊有勞

顯陽

安國

魏志曰

詔曰樂妻何氏可封息國夫人

后父封睢陽鄉侯隆妻王氏為顯陽君太平御覽曰

哀靖皇后王氏司徒左長史濛之女也初為琅邪王妃

哀帝即位拜皇后追贈父濛晉

平陽

長樂

魏志曰

安縣侯母爰氏為安國鄉君

年詔曰漢文追崇靈文之號武宣有平原博平之封宜

追封故衛將軍景侯夫人羊氏為平陽君也太平御

覽曰穆章皇后何氏乃何準之女追

贈父準晉興侯母孔氏長樂鄉君

廣德

徇忠

太平

御覽曰成帝皇后杜氏陵陽京兆人也母裴氏爲廣德

君唐書曰古元應妻高氏固守飛狐縣城卒免爲突

厥所陷下詔曰丈夫固守猶不能堅婦

載姊賜邑

人懷忠不憚流血可封爲徇忠縣君

迎母還宮

漢書曰王太后微時爲金王孫婦生一女在民間蓋諱之也武帝立韓嫣白之帝乃車駕

自往迎之家人驚恐女匿牀下扶持出拜帝下車泣曰

大姊何藏之深也載至宮與俱謁太后賜湯沐邑號脩

成君太平御覽曰肅祖太妃荀氏初以微入宮生肅

祖中宗以母賤命虞妃母肅祖而出嫁荀爲馬氏妻太

寧元年肅祖迎母還

請入保養

濱于危亡

唐書曰獨孤武

宮養之稱建安宮

都謀叛王世充歸國誅死武都子師仁年始三歲不殺

使禁長之乳母王氏號蘭英請髡鉗入保養時喪亂年

饑人多餓死蘭英乞可以食師仁後乃竊師仁
歸京師高祖詔封永壽鄉君 下詳裁目注

婦人封四

原明雌侯

魏春秋云許負河內溫縣之婦人漢高祖封為明雌侯

林光侯

漢書如淳

注云頃王后封陰安侯時呂頊為林光侯

鄼侯

漢書王子侯表曰蕭何夫人亦為鄼侯

陰

安侯

漢書文帝紀云文帝入代邸羣臣上言謹請陰安侯頃王后按蘇林注云高祖兄伯妻羹頊侯母丘

也嫂

平原君

漢書外戚傳云武帝封王太后母臧兒為平原君

脩成君

史記外戚

世家云武帝封王太后在民間時所生女金氏為脩成君

博平君

漢書外戚傳云宣帝制詔御史

賜外祖母號為博平君

功顯君

又王莽傳云封莽母為功顯君

增舞陽君

漢

書云靈思何皇后追封父真
鄭陽宣德侯封母為舞陽君

野王君

魏志云明悼毛
皇后黃初中以

選入東宮明帝時追封

廣陽鄉君

又云甄儼孫女為
齊王皇后父已

后母夏氏為野王君

沒封后母為

原萬歲鄉君

詳第
二條

安樂鄉君

晉中興
書成帝

廣陽鄉君

贈后母裴氏

增安陽縣君

太平御覽云穆皇后庾氏
左將軍琛第三女贈琛車

為安樂鄉君

騎將軍母丘氏

潯陽縣君

又云康獻皇后褚氏太傅
哀之女封母謝氏為潯陽

封安陽縣君

縣**武成郡夫人**

孔帖云唐王君奭妻自以
有戰功封武成郡夫人

誠節夫

人太平御覽云鄒保英妻奚氏萬歲通天中契丹寇平
州保英時任刺史城孤欲陷奚氏率家僮及女丁相

助固守賊退封

裙上雲起内外官母妻加邑號

唐書
云中

為誠節夫人

宗景龍二年皇后言衣箱中裙上有五色雲起帝令畫工圖其狀以示百僚內外五品已上官母妻各加邑號一等無妻者聽授女天下婦人八十以上版授鄉縣郡等君

申國夫人

孔帖云貞元中贈張

巡妻申國夫人

封黎酋王二娘為宜人

石湖范氏桂海虞衡志曰有王二娘者熟

黎之酋朝廷封宜人凡瓊有號令必下王宜人二娘死女能繼之

婦人封五

增詩唐白居易妻初授邑號告身詩曰弘農舊縣授新封鈿軸泥金誥一通我轉官階常自愧君加封號有何功花箋印了排窠濕錦襖裝來耀手紅倚得身名便慵

情日高猶睡綠窗中

增制唐蘇頲封姚崇妻鄭國夫人制曰榮河地緒簪組
家聲輝相門以才淑冠邦族而婉嫕蘭儀蕙問式備言
容習禮聞詩載兼圖史金華作輔爰開土宇之封石窰
承榮宜表珩璜之盛 白居易封大和長公主制曰公

主之封號也或以善地或以嘉名立愛展親茲惟舊典
第四妹端明成性和順稟教靜無違理故組紉有常訓
動必中節故環佩有常聲歲茂穠華日新淑問乃眷肅

雍之德俾開湯沐之封 李磎許州節度使王蘊母趙氏進封楚國太夫人制曰王蘊方榮色養既孝而忠委以節旄遂稱名將賈勇而力過投石臨陣而義不聞金得非其母趙氏善訓耶豈特築朱序之誠寧陳嬰之族而已宜加大國之封以助南陔之慶 崔嘏封石雄妻索氏涼國夫人制曰西川貴族南國華容代有功勲門多閥閱早以懿德婉于元臣既推內輔之才頗蘊中閨之德是宜疏封表貴開國旌賢蘭儀永配於金夫蕙問

更光於石窳勉思健婦以佐良人 元稹封李愬妻韋

氏魏國公夫人制曰李愬妻韋氏德宗皇帝之外孫也
笄年事愬克有令儀夫蔭雖高猶執婦道持其門戶使
愬有姻族之和奉其蘋蘩使愬有烝嘗之潔愬當分閭
之際終無內顧之憂今愬積行累功以致爵位六遷軍
鎮名列上台而韋氏猶限尋章未嘗開國甚不稱也因
愬大名之邦式建小君之號 錢珣浙西節度使錢鏐
燕國夫人吳氏進封晉國夫人制曰齊之辟司徒武力

之臣也其妻有禮尚獲錫地於君今師長萬夫提封千里內資淑媛助我勳侯國進大君是惟舊典具官錢鏐妻吳氏肅雍之美箴戒不忘聞雞鳴而致敬事姑諷鵲巢而思齊有德輔成功烈諒屬柔明爰舉寵章載加常等
宗蘇軾司馬光曾祖母薛氏溫國太夫人制曰朕自通籍之臣皆有以寵綏其父母而自祖以上非予丞弼之家莫獲褒顯君子之孝至於尊祖以及其妣用邦君之禮以隆其家可謂至矣某氏靜專有守柔嘉維則

經之以孝慈緯之以恭儉使清白之訓不墜於子孫而
隱德之報可質於天地我有異數詔於窀穸翟第副笄
尚服享之

增冊文唐薛廷珪冊益昌公主文曰咨爾第七女蘭芷
芳猷肅雍懿範坤順之性體於自然天倪之姿稟於陰
教不明爾德孰慰我心爰稽舊章俾率彝訓乃疏湯邑
仍錫粉田所以示鴈鳩均養之仁樂螽斯宜爾之慶夙
興夜寐無忘女史之箴下氣怡聲勉習家人之禮

原表魏曹植謝妻改封表曰璽書今以東阿王妃爲陳
王妃并下印綬因故上前所假印以其拜授書以即日
到臣輒奉詔拜其才質底下謬同受私遇寵素餐臣爲
其首陞下體乾坤育物之德東海含容之大乃復隨例
顯封大國光揚章灼非臣負薪之才所宜克當非臣穢
黷所宜蒙獲夙夜憂歎念報罔極洪施遂隆既榮枝幹
猥復正臣妃爲陳妃熠燿宣朗非妾婦蠢愚所當蒙被
葵藿草物猶感恩養况臣含氣銜佩弘惠沒而後已誠

非翰墨屢辭所能報答

梁沈約謝母封建昌國太夫

人表曰伏見詔書以臣母封爲建昌國太夫人慶溢蓬
門榮流素族恭荷屏營罔識攸真臣稟訓私閨志塗靡
立勉以爲義誠有由然輸力致身曾無萬一天慈罔已
至德彌光探其私志降此洪澤榮親之至始自微臣率
斯道也方流萬物草卉輕命固莫云酬 又爲長城公
主謝表曰奉冊書封妾爲長城縣公主微命降臨慙腆
罔寔妾膺靈稟氣育景璇閨弱志易淪柔德難樹雖復

式脩姆保莫敢或違而肅雍不著穠華蓋闕不悟宸暉

曲漸彝章夙賁藉此恩加遽延典策湯沐光啓珩琚昭

被王僧孺爲南平王妃拜改封表曰拜妾爲南平王

妃奉命震慙有灼丹寸妾瞻絲望悅且或多慙鏡史觀

圖是焉知愧以茲眇薄有儷蕃儀糾組不聞饘醯蓋闕

不悟元造曲被徽渥愈臻改服遶名事華品貴恩深外

郎榮照下庭豈斯輜弱所能勝荷增唐常袞謝妻封

弘農郡夫人表曰古者卿大夫之妻咸曰命婦亦曰內

子但有稱謂皆無封邑其後雖有石窳延鄉之賜亦無夫人之號唯漢魏戚里晉宗外家平原清河疏郡以馭貴建昌高密啓邑以睦親猶止於郡縣君而已近代著令國朝相襲階至三品妻封夫人禮秩兼盛等威稍逾臣以凡賤謬承委遇又蒙曲私霑及主饋特封嘉號載錫徽章中壺慶其秩高外姻賀其禮盛儀參貴列寵極私門自顧何功叨榮至此王仲周代杜司徒謝妻封邑表曰臣小男母李氏本非主饋若貴云因子臣男尚

自賤微禮有從夫臣妻又早逝沒豈伊末品忽被殊私
此蓋陛下念臣齒髮漸衰賓祭無主俾立家而有裕遂
開國以疏封詩美鵲巢懼無德而自主禮榮翟裼恐負
乘以貽災 令狐楚謝贈亡妻晉國夫人表曰臣某帝
枝末屬天壤微生幸遇升平叨居要劇生成之德無以
奉於君親封賞之榮豈望及於妻子今者一門之內二
日之中王澤浹於幽門天光蟠於高下受恩過厚恐愧
逾深且翦葉為珪晉封所以稱其大織縑如雪班女由

是詠其妍既耀溢於親疎實感纏於存沒

原奏宋謝莊為尚書八座改封郡長公主奏曰臣聞爵
厚懿戚國之恒典景祚既新禮與時渥永興等七公主
可封郡長公主

增狀唐元稹為蕭相謝賜太夫人國號告身狀曰臣家
傳儒素母實劬勞每織履以資臣宦遊嘗斷織以勉臣
師學念臣庸昧本望非高所希捧檄之榮敢萌開國之
慶陛下恩加望外簡自宸衷石窰封疆已光於萬葉藥

珠文字重降於九重朝野謂之殊私宗族以之榮寵誓
將齋戒洗心永奉真人之誥緘滕在笥深藏大帝之符
寶過金籙瑞同鵲印

增碑唐蘇頌高安長公主神道碑曰公主承姊月之華分
女星之耀有循其禮無擇於言於是曳紅綬賜青珪香
滿玉鑪綵搖金縷允所謂帝乙歸妹以祉元吉魯侯主
婚是稱同姓始稱宣城公主下嫁乎王氏 楊綰汾陽
王妻霍國夫人王氏神道碑制曰汾陽郡王妻太原郡

君王氏婉婉淑德齊莊令容稟訓姆師友于琴瑟作賓
君子宜爾室家克著艱難之勲實由輔佐之力

增傳周庾信周大將軍丘乃敦崇傳曰夫人宇文氏周
文皇帝之第三妹也德高隆慮義重河陽魏受其終周
新其命式墓封墳追旌盛德乃贈夫人安德郡長公主
遊魂冤結非無廣漢之城久客思歸唯有東平之樹

增論宋朱子論夫妻封號曰婦人封號有夫為秦國公
而妻為魏國夫人者亦有封兩國者秦檜封兩國范伯

達笑之曰一妻而為兩國夫人是何義理故蔡京皆改隨其夫號如夫封建安郡則妻亦封建安郡夫人夫封秦國則妻亦封秦國夫人侯伯子男皆然如淑人碩人宜人孺人之類亦京所定各隨其夫官帶之後人謂淑人碩人非婦人所宜稱看來稱碩人亦無妨惟淑人則非所宜爾但有一節未善有夫方封某郡伯而妻已先封某國夫人者此則與京所改者相值齟齬不可行蓋其封贈格法如此當初合并格法也與整頓過則無病

矣遂使人得以咎之謂其法自相違戾如此是亦京不
子細乘勢粗改後人以其出於京也遂不問是非一切
反之

爵封一

增漢書曰漢二年令民除秦社稷立漢社稷施恩德賜

民爵

臣瓚曰爵者祿位民
賜爵有罪得以免也

又曰孝惠皇后即位賜民

爵一級中郎郎中滿六歲爵三級四歲二級外郎滿六

歲二級中郎不滿一歲一級官官尚食比郎中謁者執

植執戟武士騶比外郎太子御駟乘賜爵五大夫舍人

滿五歲二級 又曰元年賜民爵戶一級 又曰六年

令民得買爵 又曰孝文皇帝即天子位詔朕初即位

其赦天下賜民爵一級

師古曰賜爵者一家之長得之

又曰孝景皇

帝元年賜民爵一級 又曰孝武皇帝建元元年賜民

爵一級 又曰孝宣皇帝本始元年賜天下人爵各一

級孝者二級 又曰孝元皇帝初元二年行幸甘泉郊

泰畤賜雲陽民爵一級 又曰孝成皇帝建始三年賜

孝弟力田爵二級 又曰孝哀皇帝即位賜吏民爵

又曰孝平皇帝元始元年賜天下民爵一級 文獻通

考曰東漢明帝即位賜爵三老孝弟力田人三級 又

曰永平三年賜三老孝弟力田爵人三級 又曰章帝

建初三年賜三老孝弟力田爵人三級 又曰四年立

皇太子賜爵同 又曰和帝永光八年賜爵同 又曰

元興元年立皇太子賜爵同 又曰安帝永初二年帝

加元服賜爵二級 又曰順帝永建元年賜爵人三級

又曰桓帝建和元年賜爵同 又曰獻帝建安元年

賜爵人二級 冊府元龜曰唐太宗以武德九年即位

於東宮文武官五品以上先無爵者賜爵一級 玉海

曰高宗乾封元年以封單改元中宗神龍元年紀明堂

元宗天寶八載謁太清宮德宗大厯十四年即位皆賜

民古爵 冊府元龜曰高宗總章元年詔太原元從西

府舊僚第一等功臣其家子孫若三品以上加爵三等

第二等功臣子孫三品以上官加爵一等 又曰興元

元年德宗在奉天行在宮受朝賀大赦改元制内外文

武官三品以上賜爵一級 又曰穆宗以元和十五年

即位詔興元奉天功臣及蔡鄆立功將士普恩之外更

賜勳爵 又曰後唐莊宗同光元年即位制將校已官

者與加爵邑 又曰開寶以來采秦制賜民爵曰公士

玉海曰端拱元年賜高年百二十人爵為公士開寶

中澶密等州民年八十以上呂繼美等二十九人並賜

公士 又曰咸平五年賜京城父老百十九歲祝道出

爵公士 又曰祥符三年賜祥符等縣年八十以上者
爵公士乾封民以天書降其地賜爵公士 又曰慶厯
七年采秦制賜民爵曰公士

爵封二

原商君爲法

徐野民注秦本紀云商君爲法於秦斬戰
士一首者賜爵一級其欲爲官者五十石

其爵名一爲公士二上造三簪裹四不更五鄉大夫六
官大夫七公大夫八公乘九五大夫十左庶長十一右
庶長十二左更十三中更十四右更十五少上造十六
大上造十七駟車庶長十八大庶長十九闕內侯二十
徹侯漢舊儀云公士爲國君列士也傅子云造成也古
者成士升于司徒曰造士雖依此名皆步卒也漢舊儀

云簪褭馬傳子云褭者古之馬名駕車馬者其形如簪故曰簪褭漢舊儀云不更主一車四馬傳子云軍吏不復與凡更卒同大夫乘兵車也傳子云以為大夫者在車右也漢舊儀云官大夫領他車馬公大夫領行伍兵公乘與國君同車風俗通云乘者軍吏之高爵傳子云臨戰得乘公車故曰公乘漢舊儀云六官大夫賜爵五大夫大夫以上次年德疑作得字為官長率風俗通云大夫衣漆帶不為正衛傳子云自左庶長至大庶長皆將軍也所得將庶人更率也故以庶更名焉大庶長將軍也左右庶長即左右偏裨將軍也商君為秦備其品為十八級皆因古義自一爵以上至不更四等齊士也鄉大夫以上至五大夫五等皆大夫也凡九等依九命之義自左庶以上至大庶長九卿之義也然則大夫以下品皆倣古比朝之制而異其名所以殊軍國者也

漢武寵功

又食貨志云置賞官名曰武功爵注云茂陵中書有武功爵一級曰造士二級曰閑輿衛

三級曰良士四級曰元戎士五級曰官首六級曰東鐸
七級曰千夫八級曰樂卿九級曰執戎十級曰政戾庶
長十一級曰軍衛此武帝所制以寵軍功也

買爵免死

漢書惠帝紀元年冬民有罪得買爵

三十級以免死罪應劭注曰一級直錢二千凡為六萬若今贖罪入三十匹繡矣

入粟受爵

又晁錯傳云錯上書曰夫能入粟以受爵皆有餘者也
取于有餘以供上用則貧民之賦可損所謂損有餘補
不足令出而民利者也今入粟受爵至五大夫以上乃
復一人耳文帝從錯言令民入粟邊六百石爵上造稍
增至四千石為五大夫萬二千石
為大庶長各以多少級數為差

遜讓封一

原左氏傳曰會于戚討曹成公也諸侯將見子臧于王

而立之子臧曰前志有之曰聖達節次守節下失節爲君非吾節也遂逃奔宋 又曰吳諸樊既除喪將立季札季札辭曰曹宣公之卒諸侯不義曹君將立子臧子臧去之以成曹君君子曰能守節矣君義嗣也誰敢姦君有國非吾節也札雖不才願附子臧之義棄其室而耕乃舍之 韓子曰楚莊王既勝晉于河雍歸而賞孫叔敖叔敖請漢間之地沙石之處楚國之法祿臣再世收唯叔敖獨存九世而祀不絕 漢書曰韋賢薨子元

成當為嗣心知非賢意即佯狂妄語笑既葬當襲爵以
病狂不應召下丞相御史案驗元成素有名聲疑其欲
讓兄實不病遂奏劾之元成不得已乃受侯爵 東觀
漢記曰竇融數辭爵位又上疏曰臣有一子質性頑鈍
何況乃當傳以連城廣土享諸侯之國哉他日會見迎
詔融曰公欲讓職還土今相見不宜論也 又曰桓榮
卒子郁當襲爵讓于兄子顯宗不許不得已受封而悉
以租入與之 又曰丁綝從上渡河及封功臣上令各

言所樂謂絀曰諸將皆欲縣子獨求鄉何也絀曰昔孫叔敖勅其子受封必求硤确之地今絀能薄功微得鄉亭厚矣上從之封為定陵新安鄉侯後徙封陵陽侯

又曰張純臨終謂家丞曰吾無功於時猥蒙爵土身死之後勿議傳國爵子奮上詔奮嗣爵奮稱純遺旨固不肯受帝以奮違詔收下獄奮惶怖乃襲封 又曰帝欲封樊興置印綬於前興固讓曰臣未有先登陷陣之功而一家數人並蒙爵土令天下舐望上嘉興之讓不奪

其志 又曰上欲封諸舅馬太后輒斷絕曰吾計之熟

矣勿有疑也至孝之行安親為上今遭變異穀價數倍
憂惶晝夜不安坐卧而欲封爵違逆慈母之拳拳吾素
剛急有胷中氣不可不慎穰歲之後惟子之志吾但當
含飴弄孫不能復知政 魏志曰田疇從太祖入盧龍
塞太祖欲侯之疇素與夏侯惇善太祖語惇曰且往以
情喻之答曰豈可賣盧龍塞以易賞祿哉縱國私疇疇
獨不愧於心乎涕泣橫流惇具答太祖太祖喟然知不

可屈乃拜為議郎 晉起居注曰故南城侯羊祜固辭
歷年志不可奪身沒讓存遺操益厲此亦夷齊所稱賢
也今聽復本封以彰厥美

遜讓封二

原請貶

就賤

白帖傅昌嗣封蕪湖侯上疏以國貧不願之封乞五十萬為關內侯肅宗怒貶

關內侯亦不與錢讓而就賤民猶犯貴

有勲不廢宜膺裂土之封 無

功受封實懼貪天之罪

增能讓

不請

孔帖曰韓偓與令狐渙任

機巧帝常欲以渙當國又悔曰渙作宰相或誤國朕當先用卿偓辭曰陛下許渙可改許偓獨不可移乎帝曰

我未嘗面命卿亦何憚僊薦御史大夫趙崇帝知僊乃
崇門生也嘉其能讓記纂淵海曰本朝舊制將相食

邑萬戶則封國公王旦
過萬戶而謙抑不請封

國大

母老

東觀漢記曰封朱祐為萬戶侯邑

七千三百戶自陳功薄而國大願受南陽五百戶足矣
又曰翟歆字敬子父于以功封臨沮侯歆當嗣爵以

母年老國遠
上書辭讓

乞辭

願後

魏志曰何夔字叔龍為太子少傅太僕文帝踐阼封

陽亭侯三百戶病乞辭位孔帖曰韋挺拜御史大夫
扶陽縣男挺曰臣非勲非舊而在藩邸故僚上願後臣

以勸立
功者

尅蜀

誅駿

冊府元龜曰鄧艾鍾會之伐蜀也衛瓘持節監軍事平朝議封

瓘瓘以尅蜀之功羣帥之力固讓不受又曰何攀為
散騎常侍以與誅楊駿功封西城侯邑萬戶賜絹萬匹

攀固讓兩封戶及絹之半
餘所受者分給中外宗親

賞介推

與免餘

史記曰晉文公

賞從亡者未及隱者介之推推亦不言祿使人召之則亡左傳曰衛侯與免餘縣邑六十辭曰唯卿備百邑

臣六十矣下而上祿亂也

陳先志

以父行

冊府元龜曰晉庾琛明穆皇后父也為丞

相軍咨祭酒卒官明帝以后父追贈左將軍妻丘氏追封鄉君子亮陳先志不受又曰穆帝即位徵拜何皇后父準散騎侍郎不起卒升平元年追封晉興縣侯子恢以父素行高潔表讓不受

分給宗親

請與母弟

上詳誅駿注

孔帖曰段志元貞觀十六年疾帝臨視泣顧曰當與卿子五品官元

頃首謝請與母弟乃拜志感左衛郎將

以非劉

不阿梁

太平御覽曰申屠志以功

封汝陰王上書以非劉氏還王璽改為潁陽侯文獻通考曰邠鄉侯黃瓊桓帝時為太尉以師傅恩不阿梁

氏封邑千戶周辭許之

義士誠心

臣子常情

冊府元龜曰後周司馬裔為北

徐州刺史太祖令山東立義諸將能率家入關者並重賞高領千戶先至太祖欲封高辭曰立義之士皆誠心內發豈高能率之今以封高便是賣義士以求榮又曰薛善族兄崇禮為齊神武守河東太祖遣李弼圍之崇禮固守不下善同弟濟等斬關引弼軍入時預謀並賞五等爵善以背逆歸順臣子常情豈容闔門大小俱叨封邑遂與其弟固辭不受

王蘊不肯拜

李崇固辭封

冊府元龜曰王

蘊孝武定王皇后父也定后立蘊遷光祿大夫領五兵尚書封建昌縣侯蘊不肯拜又曰後周李崇初事後魏歸款太祖拜崇衛將軍封廣宗縣公邑一千戶崇固辭曰往者見拘逆命不獲陪駕西巡今日之來免罪為幸何敢以此微庸冒受天爵

此為親戚受賞

遂廢宰相封侯

文獻

通考曰建武二年封諸功臣陰鄉侯陰識貴人之兄也以軍功當增封識叩頭曰天下初定將帥有功者衆臣

托屬掖庭仍加爵邑不可以示天下此為親戚受賞國
人計功也帝從之又袁氏曰武帝用公孫弘起自踈
遠未有爵邑于是封平津侯丞相封侯自此始靈帝初
陳蕃為太傅錄尚書事竇太后優詔封為高鄉侯蕃固
辭不受自是宰相
封侯之制遂廢

遜讓封三

原子馮出居於鄭

史記宋世家云宋穆公和既立而病召大司馬孔父謂曰先君宣公舍太

子與夷而立我我不敢忘我死必立與夷也乃使子馮出居鄭

晏子都昌辭而不受

晏子春秋景公封晏子以都昌晏子辭不受曰富而不驕者未嘗聞之貧而不恨者嬰是也所以貧而不恨者

以善為師也

增非孝非公非仁

彙苑詳注獨孤氏論吳李札曰李子三以吳國讓也

春秋褒之愚竊謂其廢先君之命非孝附子臧之義非公執禮全節使國慕君弑非仁

原魯連

辭謝者三

史記魯連傳云連既說秦軍為却平原君欲封魯連魯連辭謝使者三曰吾與富貴而屈

于人寧貧賤輕世而肆志也

叔敖謂子無受肥饒

淮南子云楚莊王封孫叔敖辭

而不受病將死謂其子曰吾死王必封無受肥饒之地受沙石之間果封其子肥饒固辭

子在襁

褓何敢受封

漢衛青傳云上封青三子固辭謝曰臣幸得待罪行間賴陛下神靈軍大捷皆諸校

力戰之功也今益封臣青臣青子在襁褓中未有勤勞上幸裂地封為三侯非臣待罪行間所以勸士力戰之

意也仇等三人何敢受封

增朱鮪不受膠東王

文獻通考云更始二年既誅王莽遷

都長安李松趙萌說更始宜悉王諸功臣朱鮪爭之更始封朱鮪為膠東王辭不受

憲固辭封

太平御覽云大將軍實憲封武

陽侯食邑二萬戶憲固辭封

原遁亡七年

後漢書劉愷傳

和帝詔曰故居巢侯劉般嗣子愷當襲般爵而稱父遺意致國弟憲適亡七年所守彌篤蓋王法崇善成人之

美其聽憲嗣爵

丁鴻挂經而逃

後漢書丁鴻字季公父緄封陵陽侯鴻與

乃徵愷為郎

弟威居憐其幼少及緄卒鴻當襲封上書致國于弟威不報既葬乃挂經于冢廬留書託疾而逃初鴻與鮑駿交乃佯狂不識駿駿乃止而諫曰今子以兄弟私恩而絕父不滅之基可謂知乎鴻乃感悟就國起

受侯印死有餘罪

漢書平當傳云上使使者召欲封當當病篤不應召室家或謂當不可強

起受侯印為子孫耶當曰吾居大位已有素餐之責矣起受侯印還卧而死死有餘罪今不起者所以為子孫也

呂強都鄉辭讓懇惓

後漢書呂強為小黃門再遷中常侍為人清忠奉公靈帝

時例封宦者以強為都鄉侯強
辭讓懇惻固不敢當帝乃聽之

鄧騭間闕上疏

後漢書鄧

騭傳永初元年騭以定策功增益三千戶騭
辭讓不獲遂避使者間闕詣闕上書自陳

延壽上

書請減戶邑

漢書張延壽國在陳留別邑在魏郡租入
歲十餘萬延壽自以身無功德何以久堪

先人大國數
上書減戶邑

致國于弟

劉愷丁
鴻見前

歸功叅佐

魏志王
基淮南

初定轉基為征東將軍封東
武侯基上疏固讓歸功叅佐

固讓歷年

晉書羊祜傳
祜遺令不得

以南城侯入樞祜喪既引帝于大司馬門南臨送祜甥
齊王攸表祜妻不以侯敘之意帝乃詔曰祜固讓歷年

云云詳
第一條

增前後十餘讓

晉書張華傳云論平吳之功
封華郡公三千戶華前後十

餘讓詔
不聽

固讓封邑

太平御覽云惠帝永平元年詔曰
中常侍董猛固讓封邑其封為武

安侯

原馮恢讓弟

晉馮恢父愛少子淑欲以爵傳之恢父終還鄉結草為廬伴瘠不言淑得

襲恢乃仕為祭酒翟嬰薦恢于崔洪良伯以恢不敦儒素雖有小善不足稱也

耿國讓弟

耿國

字叔慮上疏以父況愛少子霸請讓詔許之

衛瓘讓弟

衛瓘六男無爵悉讓二弟遠近稱之

大夫讓爵于朝 農夫讓畔于野

遜讓封四

原表齊謝朓為齊明帝讓封宣城公表曰如其懸旌灞
漭刷馬伊穀灑酒望屬車之塵整笏侍升平之禮陛下
訏謨元覽欽若宏圖鑒臣匪躬共申彝訓雖量能之請

近遂微躬則弘長之風足軌來世 梁簡文帝為子大
心讓當陽公表曰日蝕之餘無黃童之對荷戟入榛異
子烏之辨遂復早建茅社夙開井賦爵列五等綬參四
色 又帝為子大款讓石城公表曰詭對鶴書俯羞鴉
翼臣生處深宮未覲焦原之險不出戶庭豈觀砥柱之
峻臣聞坳堂汎水豈議大瀆之流覆簣為峰終乖小魯
之說 又為長子大器讓宣城王表曰襄野之辯尚對
軒君弘羊之計猶干漢主徒以結慶璿源乘陰霄極一

日千里因騏驥之馳高蔭百尺藉雲崖之遠熙祖流聰
慧之稱方建臨淮之國元仲表岐嶷之姿乃啟平原之
封南郡與部春谷名區民化仲翔之俗山峻陵陽之嶺
而綠車赤綬交映相輝金璽銀券照灼光彩 梁江淹
為齊高帝讓進爵為王表曰昔虞思勤夏不別殊物之
錫晉叔臣周豈頒上公之典魯藩懿親裁蒙袞舄之榮
梁國戚屬方忝旌旗之貴 任昉為齊明帝讓宣城郡
公表曰臣本庸才智力淺短太祖高皇帝篤猶子之愛

降家人之慈世祖武皇帝情等布衣寄深同氣武皇大
漸實奉話言雖自見之明庸近所蔽愚夫至此已實不
忍自錮於綴衣之辰拒違於玉几之側遂荷顧託導揚
末命雖嗣君棄常獲罪宣德王室不造職臣之由何者
親則東牟任唯博陸徒懷子孟社稷之對何救昌邑爭
臣之譏四海之議於何逃責且陵土未乾訓誓在耳家
國之事一至於斯非臣之尤誰任其咎將何以肅拜高
寢虔奉武園悼心失圖泣血待旦寧容復徼榮於家恥

晏安於國危且虛飾寵章委成禦侮臣知不愜物誰謂
宜但命輕鴻毛責重山岳存沒同歸毀譽一貫辭一官
不減身累增一職已黷朝經便當自同體國不爲飾讓
至於功均一匡賞同千室光宅近甸奄有全邦殞越為
期弗敢聞命亦願曲留降鑒即垂順許乃君臣之道綽
有餘裕苟曰易照敢守難奪 沈約為柳世隆讓封公
表曰臣聞懸旌玉塞貳師尚黜其功伐鼓炎州伏波猶
懼其賞徒以兼委之施或難固辭抽心之情必無雙奪

是故俛容青閣願還慈於裂壤竊步丹墀希收寵於開
賦昔竄命窮雉難迫勢孤沈板末難負戶非切及顧溫
清之館懼結尊慈之懷累葉喁喁舉門惴惴臣事逼君
親理非外獎實賴朝謨謹肅宰畧遐震奔鯨外勦臣何
力焉幸得扶老攜幼重出幽堵還軸歸驂再踐鄉路豈
可資國青以邀其功因衆功而饗其報遂使甘霜受電
之心有同於飾請皎日大河之志匪殊於貌謁 增唐
李嶠為張令讓麟臺監封國公表曰陛下錄臣謏才收

臣薄藝不行而至坐辭麋鹿之羣無翼而飛遂接駕鴻
之侶久慙粉米之飾欲辭稻粱之惠今復更申殊獎追
叙微庸以臣子之恒情辱公卿之顯位等威齊乎四履
名器光於五臺是用仰辭渥恩俯誓肌骨伏冀南離迴
耀微察於傾心北斗垂芒稍矜於走魄特傳謬遇曲賜
優容 張說讓封燕國公表曰陛下光撫宇內大寧天
域百度維新萬靈翹注建侯疏壤允答元功臣亦何人
首膺是命自古有傳道而爵說經而封蓋以訓蒙成聖

資師通學臣之侍講有異前聞何者大明朝昇螢燭無
助時雨夕濡浸灌焉施幸得依附光景游泳渥澤豈敢
虛承啟發之恩謬荷就將之報 卽說代侯中庄謝封
表曰臣聞論德而建封者聖王之事量功而受賞者忠
臣之義封或謬建則王網斯紊賞或虛受則臣體以乖
陛下大聖繼統神武經邦道邁纂堯功高復禹頃幽燕
肆逆汾澮阻兵朝義叛換於前懷恩旅扼於後陛下宸
謨獨斷睿略潛行曾未三年克平二豎此蓋皇天保佑

宗社降靈豈臣愚蒙敢叨封爵假使進能排難退克全
軍為臣之節固當若是以茲干賞實為色羞 錢珣為
徐相公讓加食邑表曰臣乍違天顏初達帝里雖南山
渭水變王氣以潛新而荒草壞垣動秋風而尚慘連薨
何有編戶猶稀臣當此時莫知所措實賴祖宗垂祐睿
哲申謀兼委近藩旁分庶事遂致五輅鳴鑾六師被甲
陳吉行之盛禮正法座於良辰誕告四方復興景運御
日月而無違素志嚮丘園而已動歸心詎謂聖慈忽加

大造尚責佐王之效重增開國之封祇承異數徒冒優恩

原書魏武帝上書讓增封曰無非常之功而受非常之福是用憂結比章歸聞天慈無已未即聽許臣雖不敏猶知讓不過三所以仍佈腹心至於四五上欲陛下爵不失實下為臣身免於苟取又上書讓封曰臣誅除暴逆克定二州四方來貢以為臣之功蕭相國以關中之勞一門受封鄧禹以河北之勤連城食邑考功效實

非臣之勲臣祖父中常侍侯時但從輦扶翼左右既非
首謀又不奮戟並受爵封暨臣三葉臣聞易豫卦曰利
建侯行師有功乃當進立以為諸侯也又訟卦六三曰
食舊德或從王事謂先祖有大德若從王事有功者子
孫乃得食其祿也伏惟陛下垂乾坤之仁降雲雨之潤
遠錄先臣扶掖之節採臣在戎犬馬之用優策褒崇光
曜顯重非臣尪頑所能克堪 又上書讓費亭侯曰臣
伏讀前後策命既錄臣庸才微功乃復追述先臣幽讚

顯揚見得思義屏營怖懼未知首領所當所授故古人
忠臣或有連城而不辭或有一邑而違命所以然者欲
必正其名也又禮制諸侯國土已絕子孫有功者當更
受封不得增襲其有所增者謂國未絕也或有所襲者
謂先祖功大也數未極無故斷絕故追紹之也臣自三
省先臣雖有扶輦微勞不應受爵豈逮臣三葉若錄臣
闕東微功皆祖宗之靈佑陛下之聖德豈臣愚陋所能
克堪又上書讓增封武平侯及費亭侯曰伏自三省

資質頑素材志鄙下進無匡輔之功退乏拾遺之美雖有犬馬微勞非獨臣力皆由部曲將校之助陛下前追念先臣微功使臣續襲爵土祖考蒙光照之榮臣受不貲之分未有絲髮以自報效昔齊侯欲更晏嬰之宅嬰曰臣之先容焉臣不足以繼之卒違公命以成私志臣自顧省不克負荷食舊為幸雖上德在弘下有因割臣三葉累寵皆統極位義在隕越豈敢飾辭

增判唐人對承襲稱狂判曰求仁得仁孔丘歎其無怨

達節守節延陵慕其高風甲代襲衣裘家承茅土志無
苟得爰作佯狂元成讓兄初疑人望丁鴻避弟終感友
言良史以為美談志士稱其重義唐張疇對襲代封
逃判曰先王有作班氏叙其家風遠代無違韋孟陳其
祖德是知本枝可重宗葉難輕丁胄望素高勲庸夙著
金柯玉葉冠蓋之望攸崇青社白茅諸侯之業斯大上
林春至花萼均芳下澤秋歸鴻雁齊列既而風枝不靜
星館屢移何邵承家泣然流涕桓元襲爵悲不自勝苟

懷捐遜之風遂有逋逃之迹昔延陵去國今範猶存太
伯辭周遺芳未泯必若情深讓弟義等脫身請封韋氏
之次男無虧太伯之高爵

御定淵鑑類函卷一百二十一